

列女

古之女子人服習於姆教閨門之內靡德不成自漢以降教弛而德成者鮮列女斯傳尋常懿行無足表見其卓卓炳著者曰孝曰節曰烈曰貞故以類著焉

孝婦

國朝

黃氏長樂陳覲天妻己丑被寇刃其舅幾絕黃哭抱不釋

引頸願抵舅死賊憐而均舍之護歸以孝養終

王志

陳氏洋灘賴才良妻姑早歿祖姑髦年目瞽陳夫婦別寢與祖姑同枕席八載祖姑卒舅復瞽家貧夫肩薪水陳

奉起居飲食不間寒暑比舅卒三年後乃產二子志

連氏龍上里新田上吳緒先妻事姑孝敬家貧夫外質子

幼饜飧之資皆氏紡績所出姑年老齒落凡可適口者

必多方求之以承歡姑患瘋痺氏撫摩數十年如一日

鄉里咸稱羨不置志訂王

陳氏陳坊庠生龔泣之妻貞靜柔順家貧以女紅佐夫養

親姑患痔漏便血氏日夕侍側盥洗凡七年無倦色人

稱孝婦志訂王

陳氏亨田黃宣仁妻家赤貧僅恃夫舌耕無以度活氏以

女紅所出奉養翁姑恒得歡心志訂王

節婦

明旌表

張氏庠生溫體才妻年廿餘夫亡撫二孤事姑盡孝守節

以終萬曆六年旌表建坊溫家坪巷口志王祠

黃氏坊郭里羅濟基妻十九夫亡守節撫孤及孫俱夭折

偕媳黃氏共守一門雙節旌表志通祠

賴氏溫寧玉妻二十孀居食貧茹苦撫遺腹子成立年八

十五卒省志載旌表祠

朱氏程名妻早寡守節課子養姑姑疾願以身代年六十

巡按周燦題請旌表西巡政

國朝旌表

曾氏北關黃日暉妻二十八歲夫亡苦節自守課子義方

壽至八十二終雍正十年 旌表 通志 祠祀

賴氏白茅塘陳煥繼妻年十九而寡節守四十年邑令申

其事郡守申詳有曰胎哺以時使老姑忘其子歿鳴鳩

等視俾遺孺凜若父存雍正年間 旌表 通志 祠祀

閻氏州同賴嘉謀妻年二十餘守節表家規六訓以課孤

乾隆七年 旌表 祠祀

以上三氏前明節婦 國朝始請 旌表

陳氏小弼諸生賴濟妻年廿二夫亡矢節撫子成立康熙

五十年

旌表 通志 祠祀

黃氏進賢坊熊承琮妻年二十三夫亡事姑孝謹課子名

登鄉榜康熙五十九年

旌表 通志 祠祀

周氏城內北關黃承瑜妻年二十四歲夫亡守志撫一子

委曲保全得成立才節雙著艱苦三十九載雍正四年

旌表 通志 祠祀

譙氏賜谷潘大海妻年二十八夫歿一子七歲女未脫乳

康熙甲寅閩變合室避匿山澤中晝伏宵行逃徙莫定

時夫抱病扶持備極辛苦及歿為治具還葬祖山姑性
嚴厲氏獨能委曲承奉比他子婦加篤偶傷湯火血肉
潰爛沾床蓆值暑穢甚手拭濃血不鮮帶者月餘撫諸
幼叔及刻子皆成家業卒年九十四雍正四年

旌表

王志
祠祀

劉氏豐上里丹溪李明允妻年十九而寡時祖姑氏尸姑
氏賴俱孀守劉曲意承顏二姑歿哀痛如夫喪無子請
繼仲兄次子時邁為嗣教養成名完節六十八歲雍正
七年

旌表

通志
祠祀

劉氏秋溪賴永裕妻年二十而寡遺腹三月生子吉諒夫
病露禱願以身代夫死觸棺幾斃姑曾氏勸以遺孕在
身始進食氏奉老姑八十餘以色養子早逝教孫一如
教子紡績課讀歷寒暑不輟偕媳黃氏封髮共守雍正
七年

旌表

通志
祠祀

陳氏耽溪許立儔妻年二十一夫病篤水漿不入口及夫
卒氏痛哭昏悶死而甦者再剪髮置棺中示從一也後
數年翁容死京邸姑媳相依先意承志雍正丁未姑病
氏日侍床第積勞羸瘠勸之退不去人稱孝婦苦心訓

石城縣志
一子琮受知督學安溪李公以荻影揚休勝其閤守節
四十三載雍正七年

旌

表
通志祠祀乾隆三年載入一統志

劉氏名列秀大琴陳自勗妻年二十一歲夫亡性靜而敏
善事姑承顏養志課子生璧不以恩克義勤謹有文名
尋亦天偕媳李氏共守冰操艱歷五十餘年雍正八年

旌

表
通志祠祀

李氏名月秀大琴陳生璧妻即劉氏之媳年二十五生璧
病以寡母幼子是托比卒李憂勞骨立所藏書及遺文
什襲完好授其子事孀姑坐立與偕壽八十餘合邑稱

為雙節雍正八年

旌

表
通志祠祀

熊氏坊郭里周碧先妻年二十夫亡越旬日得生一子家
貧鬻女紅以贍翁姑翁多病醫藥不懈翁卒竭力喪葬
撫遺孤晝令拾擇供炊夕則紡績課讀子為諸生尤加
督訓雍正八年

旌

表
通志祠祀

唐氏大琴國學陳自覺妻年二十三夫亡哭之慟絕飲食
七日姑多病嘗藥置食周慎無間撫孤成立以節壽終
雍正八年

旌

表通志
祠祀

賴氏聳岡石田溫維北妻年二十二而寡歲辛丑抱孤同
舅姑避寇麻子磔中途雷雨迷悔各不能顧賴跪禱曰
氏不幸遭此流離天不絕溫氏俾延一脉舅姑獲全妾
即骨碎懸崖無恨矣言未既空中似有攀救之狀脫難
後因名其子曰秀攀後為貢生長孫錫珪為諸生次孫
朝榮登辛酉賢書節終九十餘歲雍正九年

旌

表通志
祠祀

黃氏小粥賴涓妻年二十二歲夫亡撫遺腹孤苦節四十
餘年雍正九年

旌

表王志
祠祀

賴氏進賢坊熊幼深妻年二十二守節事兩姑撫二子家
貧剝已暈勉外海至調劑使安大學士宛平王熙旌以
石城石操太史宋如辰贈文有云以一少艾事二姑而
撫二孤為嬰兒之阿保為熊氏兩世託孤之人為堂上
老姑終養之婦訓子長嗣為諸生年六十一卒雍正十
年

旌

表王志
祠祀

孔氏北關黃國瑞妻年二十四歲夫亡矢志堅貞撫鞠孤
子以節終乾隆元年

旌表 王志 祠祀

溫氏大猷坪曾斗光妻年二十六夫亡矢志堅守孝養舅姑撫二子成立孀居三十九年縞素如一日乾隆元年

旌表 王志 祠祀

李氏聯坊溫文宗妻年二十六夫卒號痛悲切欲自經姑抱遺孺力勸乃止姑卒代夫服斬哀三年課子及孫俱成立乾隆八年

旌表 王志 祠祀

陳氏名大秀城內北關黃先偉妻于歸五十日夫卒忍死待繼終身縞素事姑旦夕不離左右雖至戚不輕接見

旌表 訂王志 祠祀 見封贈

撫夫弟次子鶴雯為嗣每教之曰人死留名君子樂得為君子長孫德基早失恃氏撫之亦以所教鶴雯者教德基比髦每訓家輒及二語年八十五終乾隆九年

鍾氏名葉清城內北關黃先庚妻于歸未週一載夫卒苦守繼姪為嗣復天又立繼乾隆九年

旌表 王志 祠祀

王氏名桃秀大琴陳同志妻幽閒賢淑年二十三歲夫卒無子堅志守節服闋茹素不改事舅姑孝謹撫夫姪承桃督課成名乾隆九年

旌表 王志 祠祀

楊氏名珍秀陳坊陳慶棟妻年二十三歲夫卒孝事祖姑及姑遺孺鞠之成立邑令朱允元以節持四世顏其閭

乾隆九年

旌表 王志 祠祀

劉氏秋溪賴上选妻年二十二歲夫卒守節值順治己丑母家接回避難劉曰公姑年邁我去其誰與保携一孤及夫一幼弟流離萬狀卒獲兩全至八十二歲卒乾隆九年

旌表 王志 祠祀

陳氏名崇壽龍上里劉大埜妻年二十二夫亡守節事翁及二姑各當其意五十三歲忽夢夫謝其養子克成夢覺具告家人曰吾殆將死越三日果以無病考終乾隆九年

旌表 王志 祠祀

白氏名貴秀城西昇平坊許宗炳妻年二十七夫歿欲身殉家以遺孺力勸乃止蓬頭垢衣影不出戶事孀姑承顏悅志比卒哀毀如夫喪時紡績課讀子得成名乾隆九年

旌表 王志 祠祀

旌表 王志 祠祀

卷六

人物志

列女

夏

羅氏筓竹村張立申妻年二十夫亡守節孝事翁姑至喪
葬俱氏一力營辦撫子成立以節終乾隆九年

旌表
王志
祠祀

李氏石田諸生鄧鍾岫妻年二十五歲夫亡號痛幾絕侍
姑疾夜恒六七起歷多歲無倦容課二子俱貢生乾隆
九年

旌表
王志
祠祀

劉氏筓竹村張正彝妻年十七歸姪妯欵其令淋二十
一歲夫亡一痛昏絕久乃甦事姑益孝謹姑卧瘋疾日
夕奉侍弗懈撫子盛蕙盛槐蕙復天偕媳李氏課孤孫

不以愛輟其勞一門二節冰雪相照乾隆九年

旌表
王志
祠祀

賴氏大琴邑諸生陳自巒妻年二十七夫亡哀毀幾絕事
二姑一體孝養甚得二姑懽及卒葬殮如禮撫二子駿
驥驥亦夭同媳李氏課孤孫復成名持家有體足不踰
閨乾隆九年

旌表
王志
祠祀

廖氏福村劉滌波妻年二十二喪夫慟欲從死以翁姑命
忍死撫孤孤獲成立乾隆九年

旌表
王志
祠祀

黃氏秋溪賴吉諒妻年二十六夫亡撫三子教誨成立體夫意與孀姑劉氏共事九十餘歲祖姑常患病奉視湯藥深夜不去復婉止姑曰姑年已七十恐積勞致疾請就寢媳當在侍茹荼集蓼姑媳艱苦備嘗前學師諱佐邑侯朱允元各有匾獎乾隆九年

旌

表
王志
祠祀

雷氏名緞秀坊郭里周兆暄妻年二十五夫病篤知雷性烈嗚恐死為立後計比卒派無可繼者雷悲號幾絕越三年撫夫弟次子為嗣與孀姑行坐足不出閨外雖族戚粒果非姑命不敢授受日以夫所藏書課子成貢生

以節終乾隆十年

旌

表
王志
祠祀

李氏耽溪監生許麟妻年二十一夫死止生一女痛無子決不欲生舉頭觸棺濺血昏絕老姑携幼叔誓生子即繼為慰且以兩老姑服侍大義激之乃稍止後姑憂鬱患瘋癲李紡績延醫姑逝教弱叔喪葬如禮乾隆十年

旌

表
王志
祠祀

劉氏城內林登遇妻二十三歲生子甫五月夫死家赤貧內外勸再適氏堅不從依父棲止蓬頭垢面薪水自供姑會病痢幾斃竭力湯藥祈禱經月乃愈時母家諸人

已死數口氏不染乾隆十年

旌表 王志 祠祀

陳氏名蘭秀坊郭里周先初妻性貞靜步履不苟年二十
六夫卒觸棺哀痛絕水漿者四晝夜二子牽裾號啼時
祖姑年踰八十目擊心傷昏迷僵仆陳驚起恐死守節
事祖姑及歷事三姑愈極孝謹中年長子兆暄復夫偕
媳雷氏共勵冰操壽終八十二歲乾隆十年

旌表 王志 祠祀

范氏名菊秀坊郭里周兆為妻年二十三而寡矢志守節
姑老二子幼范勤紡績以資養自採野菜和羹備極劬

瘁子獲成名乾隆十一年

旌表 王志 祠祀

溫氏石田鄧大溶妻年二十二夫故未幾其孤亦不育氏
哀慟幾絕繼念其夫無後乃忍死待繼奉養繼姑婉容
愉色節孝為閨闈範乾隆二十六年

旌表 舊志 祠祀

程氏西關邑紳吳永寧妻年二十三夫死撫育二子與姑
氏羅日夕相依守節四十五載卒乾隆二十六年

旌表 舊志 祠祀

陳氏苦株樹下李玖我妻年二十八夫亡家貧苦守嚼雪

飲水族黨稱為節門懿範堅操五十九載至八十六歲
終乾隆二十八年

旌表
舊志
祠祀

賴氏劉重選妻年二十一夫故到髮自勵恭敬以養繼姑
鬻產以贖其子於寇勁節慈孝為閨閭範乾隆二十八
年

旌表
舊志
祠祀

劉氏秋溪賴錫五妻年二十二夫故無子甘貧守節奉事
公姑極盡孝敬繼姪為嗣教養備至乾隆二十九年

旌表
舊志
祠祀

賴氏陳坊郎庠陳時雍妻年廿五夫暨弟歿賴城氏扶二
櫬還鄉以夫弟次子慶槐承祧弟婦旋歿撫二孤苦守
有勸改適哭曰吾身肩二祧誓死靡他乾隆三十四年

旌表
舊志
祠祀

劉氏堂下溫雅煊妻年二十三而寡清操勁節譽於鄉里
事舅姑以孝撫子儒壘恩勤備至儒壘二十而夭其子
繼頌氏偕媳黃氏共勵冰霜繼堂姪之子為孫撫養成
立乾隆三十九年

旌表
舊志
祠祀

管氏北關黃之任妻禮部員外管志寧之女舉人道滿之

媳年十九夫歿鄰婦因其青春勸之再醮氏曰父官外郎翁登鄉榜兩家門戶豈可玷辱且敗倫喪節有恥者不為也撫夫兄之子為嗣乾隆三十九年

旌

表

舊志
祠祀

黃氏賴兼五妻年二十一夫故觸棺誓死公姑以大義責之曰我二老具在孤兒未離襁褓汝死則何人養育氏乃封髮自誓孝養慈撫迨其孤夭引剪遂欲自戕救於鄰撫夫兄之子為嗣乾隆三十九年

旌

表

舊志
祠祀

徐氏長溪賴仲恩妻氏年十九一子方週而天逝家窶甚

憑女紅養姑撫子一日歸寧外氏圖奪其志徐即攜子奔旋途中見追者來欲投水死外氏乃慰之還自是不復歸寧乾隆四十一年

旌

表

舊志
祠祀

陳氏秋溪賴永敏妻年二十而寡四十餘年不出閨門孝事公姑誨繼子有成乾隆四十一年

旌

表

舊志
祠祀

吳氏邑諸生羅國珍妻年二十夫故觸棺昏絕不願獨生姑痛曰吾兒不幸若媳又死幼孫方週吾亦不願獨生矣乃強忍養姑育子誨之繼志成名清操為眾所羨乾

隆四十三年

旌表 舊志 祠祀

黃氏賴昌統之妻年二十三而夫故矢志不渝其姑恻哭成誓氏侍奉不懈得其歡心繼夫姪為後撫養恩勤乾隆四十三年

旌表 舊志 祠祀

林氏陳坊陳茂才妻年二十喪夫氏蓬頭垢衣勁節自矢奉養公姑克盡祇敬訓孤不事姑息鄉里稱之乾隆四十四年

旌表 舊志 祠祀

黃氏陳坊陳崇仲妻年二十六而夫歿封髮自守足跡不踰閨門繼夫姪為嗣操作誨子希踪敬姜乾隆四十四年

旌表 舊志 祠祀

張氏邑廩生秋溪松山下賴吉將妻茂齡夫亡奉翁姑至孝生事死葬不以貧廢禮撫子昌駒昌駿駒復夫偕媳黃氏短檠績月資養家口課後嗣以讀書立品四字一門子孫均成名著有賢聲乾隆四十四年

旌表 舊志 祠祀

黃氏秋溪松山下賴昌駒妻青年封髮氏教遺孺事孀姑

石城縣志 卷六
孝慈並至性淡薄甘荼苦與姑張氏寂守空幃堅貞自矢歷數十年如一日乾隆四十四年

旌表舊志

夏氏秋溪賴昌淑妻青年守節白首完操乾隆四十四年

旌表舊志

李氏白茅塘陳容川妻年十九守節遺腹生男乃隱忍自存奉舅姑撫孤子清操勁節為鄉里重乾隆四十五年

旌表舊志

黃氏菱溪姜國聘妻年二十五而寡氏茹苦嫻守事翁姑以孝敬聞撫兩孤成學業乾隆四十五年

旌表舊志

李氏北關黃德琳妻年二十而寡號痛異常願與俱逝以舅姑在堂夫未有嗣爰節哀忍死立繼守志孀閨勁節鄉里共稱乾隆四十五年

旌表舊志

陳氏丹溪李大謨妻年二十夫殞氏矢志不貳姑患瘋疾輾轉床蓆氏日夕不離左右殷勤奉養十餘年不懈慈以撫孤延師課讀董其成立乾隆四十五年

旌表舊志

黃氏罕坑李光裕妻年二十一而寡姑患痿痺卧床蓆十

餘年氏撫摩備至飲食湯藥必親奉誨其子以有成清
操為眾所羨乾隆四十五年

旌

表舊志
祠祀

李氏北關黃世京妻年二十六而寡鄰媪有因其貧而勸
之改適者氏面叱之毀容見志孝養公姑撫其子不為
姑息之愛俾之有成乾隆四十五年

旌

表舊志
祠祀

甯氏陳坊陳崇純妻年二十六夫故矢志不貳豪右有謀
婚者氏截指自誓孀閨清操鄉里共譽敬養堂上以媳
代子訓其子無從匪彘克自成名乾隆四十五年

旌

表舊志
祠祀

賴氏陳坊陳崇繹妻年二十六夫故相舟矢志損額毀形
以杜勸嫁之口拮据奉養以孝敬稱操履冰霜訓子成
立乾隆四十五年

旌

表舊志
祠祀

胡氏長溪賴應傑妻年二十四夫亡觸棺幾斃公姑以二
孤在抱力勸乃止事翁及繼姑皆壽踰耄耋曲盡孝敬
撫二孤教誨有成年七十六卒乾隆四十九年

旌

表舊志
祠祀

劉氏北關黃先松妻年二十四而寡家貧如洗鄰婦皆勸

其再醮氏曰良婦不事二夫且公姑誰養二孤誰撫吾志決矣辛勤紡績婦代子養母兼父職鄉里共羨乾隆二十五年邀

恩獎以清標彤管舊志祠祀

陳氏名樞姑丹溪李時巡妻性端靜寡言笑謹跬步年二十餘夫亡矢志守節侍孀姑倍加敬謹課二子愛而能勞語及夫輒墮淚至老弗改人稱節孝乾隆二十三年邀

恩獎以清標彤管舊志祠祀

熊氏北關國學黃承拱妻年二十七夫死事姑及本生姑

備極孝敬課二子成立偕妾羅氏共勦松操乾隆二十年邀

恩獎以清標彤管舊志祠祀

新增

劉氏堂下監生溫仲篁之妻年二十五夫故志一守貞足勿出閫事姑孝訓子嚴壽六十五歿乾隆五十四年

旌表祠祀

曾氏石上里洋奮傅英漢之妻二十歲夫死辛苦持家貞潔自矢撫孤奉親以慈孝著守節四十餘載乾隆五十五年

旌表
祀祠

賴氏龍上里龍岡貢生鄧人驥之妻年二十七喪夫矢志守貞孝養舅姑慈育孤子乾隆五十九年

旌表
祀祠

黃氏堂下監生溫儒壘之妻二十六歲夫歿貞操自勵誓死靡他奉孀姑撫繼子孝慈備至嘉慶元年

旌表
祀祠

陳氏秋溪賴克播之妻青年痛失所天守貞不二足不踰閨閫者數十年雖戚鄰罕覩其面嘉慶二年

旌表
祀祠

黃氏堂下溫家宗之妻年二十九喪夫孀居貞守遺孤彌月撫育成立壽九十三歿嘉慶五年

旌表
祀祠

賴氏亨田黃尚敏之妻年二十四夫亡遺子金彩家貧紡績以供越十餘載氏病疫彩侍母疾染疫夫彩妻亦賴姓姑媳相哀切氏因病後哭不成聲聞媳泣輒昏仆不省媳為輟泣然氏自是棲惻愴懷形色異常見者驚為人腊嘉慶五年

旌表
訂舊志
祀祠

連氏秋溪賴景堯之妻二十二歲夫死堅貞不移憑十指

為養育訓子成立嘉慶五年

旌表

祀祠

鍾氏陳坊陳澄暉之妻年二十四夫逝矢志孀居事姑撫子守節三十餘載嘉慶七年

旌表

祀祠

賴氏陳坊陳芳聯之妻二十六歲夫故柏舟矢志屏粧飾寡言笑杜門不出孝翁姑訓繼子列賢序壽九十三歿嘉慶七年

旌表

訂舊志祀祠

李氏禮上里中坑曾正河之妻年十六于歸二十一喪夫

家貧守節敬奉耄姑遺孤纔六月撫養辛勤嘉慶七年

旌表

祀祠

胡氏陳坊陳慶佳之妻十八于歸二十五夫歿貞靜性成以讀耕課子苦節六十餘年嘉慶八年

旌表

祀祠

黃氏羅溪村陳就成之妻二十二歲夫死撫子教養備至雖家運坎坷貞操愈勵嘉慶八年

旌表

祀祠

賴氏陳坊陳國賢之妻十九歲而孀守事三姑曲盡敬養繼姪為夫後以孝慈稱於邑嘉慶八年

旌表 訂舊志 祠祀

陳氏長溪賴運溥之妻年十八于歸甫三月而寡哀慟觸棺幾不欲生顧念翁姑忍痛存活苦守三十餘載嘉慶九年

旌表 祀祠

陳氏堂下溫儒文之妻二十七歲夫外出溺斃訃至一慟幾絕翁姑勸慰乃止撫週歲孤教訓有成矢節五十餘載嘉慶十年

旌表 祀祠

溫氏石中里陳殿成妻二十于歸期年孀守孝事老姑慈

旌表 祀祠

撫繼子節操著五十載嘉慶十三年

旌表 祀祠

賴氏場谷村潘成六之妻年二十八夫亡令悲苦守針指度日以奉姑訓子為己任辛勤三十餘年嘉慶十四年
張氏北關義士黃奉之妻幼讀書明大義兼善書數十七歸黃家奉翁姑處妯娌以賢孝泚慎聞二十六歲夫死貞操卓立訓二孤成名嘉慶十五年

旌表 祀祠

陳氏聳岡溫居輦之妻年二十五夫故績紡撫孤成名守

節五十餘載嘉慶二十四年

旌表
祀祠

黃氏坑背溫懿菴妻十七歲夫病迎歸彌月夫卒矢志堅貞依姑室以居足不出戶親鄰慶吊者不與雖家人亦罕見其面白髮皤皤猶然女而不婦也姑老患足疾冬日嘗擁爐寢一日火燃及床褥氏哀號突火負之出火亦熄人咸謂節孝所感撫夫九州同如鶴六子為嗣訓子及孫成立道光二年

旌表
祀祠

劉氏北關黃德元之妻年二十三夫亡立志守節翁姑年

老朝夕敬養無缺撫孤永昌受室而夫乃立姪孫遠通為永昌嗣苦守四十餘年現有六十四歲道光二年

旌表
祀祠

鄧氏許坊許集貫之妻二十五歲喪夫冰雪自矢事後姑能得歡心家赤貧日勤女紅供饋粥撫弱孤養育教誨無稍姑息現存六十四歲守節已四十年道光二年

旌表
祀祠

節婦

明

黃氏守貞大琴陳德重妻年二十一夫死擇繼承祧節守

五十餘載志

黃氏名鳳娘坊郭里周復舜妻年十八歸周未半載夫以

奉公出二十一夫客死無子苦守憫夫胞弟及夫堂弟

幼無怙恃耐貧撫育七十餘歲而終志

溫氏石中里龔淑勤妻年二十三夫卒一子早夭繼姪為

子復天獨力奉姑六十三歲卒志

曾氏溫祖妻年二十七夫遺腹生子兄弟受賄逼嫁曾墜

罵不從家貧紡績事翁姑撫子成立志

溫氏福村邑學生劉瑩妻年十九夫亡有以再醮諷者輒重叱之冰霜自矢善事舅姑後以憂卒邑令獎之以匾

志

陳氏溫昇玉妻年十九夫死遺一孤既婚亦夫亦遺一孤氏耐貧堅守節壽終志

溫氏福村劉偉妻二十而寡夫與子夭同子與孫遺孤亦同家赤貧幾死於饑寒苦節五十年而終志

陳氏福村劉珏妻年二十夫死氏撫半歲孤苦節以終志
廖氏長樂陳平妻年十八夫亡遺一孤紉績以活一日自

母家歸值暮遇雨攜其子止於道旁見者留之宿曰恐為虎所傷氏曰寡婦何可他宿寧為虎食耳志

陳氏劉周妻年十九夫亡遺一孤勤女紅以活採菜止饑天寒無絮烘薪度冬叔勸再醮拒之曰烈女豈事二夫竟完節以老志

老

黃氏諸生陳穀妻年十九夫死保遺孕事翁姑甘貧潔以老
徐氏黃掉妻青年喪夫家貧多故養姑育子備極艱難壽至七十通學呈縣其詞有曰夫殞綺齡始垂殘紀質履售麻以活老千艱萬楚以存姑志

黃氏邑廩周述稷妻年二十九夫亡守節五十四年公舉
呈詞云孝兼子職節樹母儀始終不渝中外無間邑令
尚承業給匾于門志

劉氏溫肇順妻年二十二夫歿遺腹生子登俊撫鞠成人
終年九十七邑令表其門志

陳氏石田溫拔奇妻年二十二夫喪家無立錐紡績撫孤
以節終志

溫氏陳良策妻二十二歲而寡撫子斯道為邑諸生斯道
卒撫孫太學復亡遺一子溫與孫媳劉氏苦守各以壽
終志

陳氏廖中琇妻年二十五而寡事姑撫孤苦節終身志

黃氏賴吉寶妻二十歲夫亡守貞不易至八十九歲終志

李氏黃士階妻年二十八夫亡孝事舅姑撫子金忠金志
成立以節終志

許氏黃美斯妻年二十五孀居孝奉姑嫜撫子成立志

陳氏劉景彥妻年二十二喪夫舉一子矢不再醮二白垂
堂曲盡孝養孀居六十餘年督子成材乙未儒學謝及
鄰獎之以匾志

白氏廖顯傑妻年二十一守節壽至百歲奉虔院唐世濟
獎之以匾志

曾氏陳世勤妻二十八歲寡居守節四十年內外歎服課
二子震震雖小過必重叱志

賴氏名循娘大琴陳元貴妻年二十三夫卒克修婦道守
節以終志

鄭氏名玉貞大琴陳天詔妻年二十二夫卒卸容飾坐卧
重樓課子守節三十餘載志

曾氏學上陳克倫妻二十八歲守節先是正統間流賊破
城氏年方二十二抱週歲子逃竄遇姑被執遂棄子哀
賊求代賊許之隨刃墮溝中得不死賊退負傷強起扶
姑歸越數年復生一子夫死撫之成立志

黃氏學上陳守素妻年及笄歸陳二十八歲而寡奉翁姑
孝謹辛勤課子成名守節二十五年卒志

賴氏大琴陳懷嘉妻年二十一夫卒事姑課子以節終志
賴氏豐山許紹泉妻年二十二歲紹泉卒號慟幾絕一子
方襁褓撫養成立事翁姑孝謹八十五以節終志

胡氏溫國信側室年二十二夫亡生一子早卒會順治己
丑張寇破城氏從水竇匿出其嫡室子及孫俱為賊獲
氏傾產贖回蔬水恬然以節終志

李氏進賢坊黃實儀妻年二十八歲夫亡守節撫孤備嘗
艱苦以節終志

陳氏大奮邑廩尹元吉妻年二十二夫肄業其叔尹詔任
卒於途氏聞號痛絕食投繯數次孀姑力勸乃忍死紡
績養姑撫子以節孝終王

魏氏黃以煉妻年二十六夫亡投繯觸石不願獨生舅姑
力勸乃忍死撫孤以節終王

黃氏龔宏倫妻年二十一夫亡撫兩歲子矢志守節里中
豪右謀娶之氏引刀畫面以拒紡績課讀六十一歲而
終王

國朝

李氏長樂陳兆維妻年二十喪夫外族逼嫁氏堅志不從

苦節自守年七十卒

通志
祠祀

胡氏長樂諸生陳銘妻年二十三喪夫苦守年六十七卒

通志載名未載
旌表舊祠祀

李氏秋溪賴上珍妻康熙甲寅于歸兩月夫被寇擄李上
奉翁姑下撫弟姪七十二歲終王

邱氏長溪賴明吉側室年二十八夫亡無子正室熊氏生
一子母子相繼卒邱氏立繼本房姪孫為孫時方週歲
襁褓維持備極艱辛比長教誨成立邑侯王以節堅匪
石之匾獎之七十八歲終王

鄧氏邑諸生廖日芬妻未舉子年二十而寡夫兄弟九人

石城縣志
卷六 人物志 列女
俱艱於嗣後繼六弟之子為夫後旋復夫氏憂憤成疾
卒志

熊氏堂下溫富高妻年十九孀守立繼承祧完節以終志
周氏聳岡石田溫伯容妻年十八子歸一載夫亡家貧紡
績養一子復夫周歎曰天乎天乎吾無以見亡人於地
下矣哀哭兩載餘歿志

王氏小松邑諸生廖西來繼室年十九夫病典衣購藥焚
香願天願以身代夫死撫棺昏絕水漿不入口者累日
姑氏劉再四勸慰乃忍死從姑姑死哀毀幾滅性家貧
紡績撫前室子如己出學院金匾曰壺範幽貞志

黃氏名綉金堂下溫富衢妻年十五歸生二子俱幼殤二
十四歲夫亡守節以夫姪繼後紡績撫育以節終志

李氏石田鄧山原妻年十九夫亡無子繼姪為嗣父母逼
之嫁氏以死拒以節壽終志

甯氏陳坊陳慶祥繼室十八歲歸陳值夫以父喪廬墓未
三年夫卒苦志堅守為夫立後夫孝婦節為一時所稱
志

賴氏龍岡鄧北槐妻年十九喪夫一子方襁褓父母憐其
少勸之他適氏堅執不從越數年子復夫氏泣請於族
繼夫宗支鄉黨稱焉志

石城縣志 卷之六 人物志 列女
陳氏石田武亞元鄧松妻青年而寡撫妻鍾氏子如己子
後妻子夭陳隨昏慟而絕鍾獨守為夫立繼人稱一門
雙節志王

周氏大琴陳生乘妻年二十六夫亡無子竭力事公姑撫
夫幼弟及夫幼姪備極艱辛邑稱節孝以夫弟之子為
之後志王

廖氏聳岡石田溫秀茂妻夫亡撫孤年十五而夫鄰婦勸
之嫁對曰吾寧飢死一身二夫可恥也終身守志不移
志王

鄧氏名紹英大琴邑增生陳生驪妻年二十五夫亡無子

請繼夫姪為嗣鞠課成立以節稱志王

孔氏城內彭殿聲妻年二十二而寡苦節事始撫姪承祀
志王

賴氏名五姑大琴陳生曦妻年二十三夫以苦讀致疾卒
孤守待繼越八年立夫姪承祀課以遺書絕跡外庭志王

周氏鄧慕虞妻年二十四夫歿無嗣清苦守節志王
黃氏陳坊陳希堯妻年十九夫喪養姑守節為夫立後以
續先祀志王

曾氏亨田黃建午妻年二十五夫死營葬畢即頭觸墓石
以殉姑止之為立繼遂封髮自守數十年如一日志王

石城縣志 卷六 人物志 列女
黃氏大琴陳同軌妻偕二弟同參妻溫氏並青年守節艱辛立繼三弟同輯妻賴氏四弟同輩妻劉氏夫俱早亡亦並守節人稱一門四節志

俞氏北關黃聖三妻年二十六夫亡無子撫妻子先明如已子先明復夫妻賴氏年方念四得遺腹子姑媳保孤甘貧守節俞年六十一卒賴竭力喪葬以孝稱志

李氏長樂陳瑞祥妻年二十二夫死無子立一嗣又卒李晝夜悲淚食貧守寂邑人悼之志

邱氏石中里黃開文妻年二十夫亡守節生遺腹子已長而夫孤守紡績度活族額曰藥節冰操志

陳氏溫渭玉妻年二十五夫死無子公姑兄嫂不二載俱逝撫二姪如子長姪又夫薨獨苦守永矢清操後繼姪孫以繇夫祀志

伊氏熊承璣副室年十六歸一載夫亡氏未育為夫繼嗣存祀恩義兼至清操冰節里黨稱之志

賴氏何石下邑庠何忠佑妻年二十四夫亡遺一孤未婚而夫賴哭夫及子幾喪明擇姪承桃撫養成立志

李氏陳坊任歸化鐵嶺謀官龔廣副室年二十四孀居無嗣誓不嫁課正室一子入庠旋卒撫一孫又早卒僅遺曾孫甫七歲兩世零丁以節終志

許氏北關黃殷仲妻年二十六而寡撫一孤夫死繼夫兄
之四子承桃苦績堅操里人稱美註

賴氏丹溪李昌彤妻年二十喪夫苦節課子繼白登賢書
年六十二卒註

黃氏羅文成妻年十八夫亡撫孤必恭誓死守節迨媳歸
引拜夫墓涕泣咯血而終註

溫氏長樂陳有常妻年二十一夫亡一子甫五月矢志堅
守紡績撫養事繼姑委曲務得其歡壽登八十四歲以

節孝稱註

劉氏名員香聯坊溫仁和妻年二十二歲懷孕五月夫卒

遺腹生子撫鞠成立備極艱苦壽登九十七歲註

李氏邑諸生堂下溫朝弁妻

國初順治己丑流賊寇城李年二十八一孤四齡忍死逃避

山谷間數日不舉火矢志彌堅後以紡績課子成立捍

禦內外節兼才著邑令王錫九獎匾年七十餘終先是

賊初陷城日李盡傾釵釧勞一老蒼頭名秀者令其保

護孤兒過城門初闢乘隙疾走得免註

李氏堂下溫端伯妻年二十二而寡撫一孤子不及週旦

夕哭夫雙目俱喪明家貧不能自給族戚高其節遺以

錢米弗受曰吾久欲死以報夫苦守四十餘載以節終

王

尸氏大琴陳福正妻年二十七夫歿事姑孝一子年十二被賊擄尸傾產贖回課之成立為郡諸生邑令李獎匾

志

劉氏名金清下坪陳大學妻年二十六大學死劉事九旬祖姑竭力孝養課子及孫為邑學生節終七十二

志

陳氏堂下溫明野妻二十六歲夫亡時誕子方三閱月氏撫孤成立以節終

志

熊氏堂下溫朝屏妻年二十三而寡遺二孤竭力撫養節完七十八歲

志

張氏龍岡鄧國學妻年二十五夫亡遺一子子夭復撫孫

維持兩世單傳卒年七十有五

志

劉氏大琴陳福柳妻年二十五夫亡遺孤方三月劉鬻女紅日掃葉汲水以炊養姑撫子備極艱辛族咏其節有

帶雨攜泉烹夜月臨風掃葉煮朝霜之句

志

賴氏龍岡鄧永弼妻年二十六永弼死父母勸再醮氏泣曰一姑老二子孱我去皆不自存活矣願以死誓養姑

撫子以節壽終

志

黃氏城內熊大章妻年二十七夫亡遺一孤紡績養姑常一二日忍饑至姑前復色笑自若壽終七十九歲人稱

石城縣志 卷二
節孝

廖氏名翠娘大琴陳福壽妻年二十二夫亡一子在抱越五月又生遺腹子寄居舅氏家舅屢逼之嫁不從謀毒其子氏覺抱二子奔回紡績撫鞠邑侯王錫九以節操可風表其閭

李氏烏石下賴志行妻年二十七夫亡伯叔兄弟俱故氏事舅姑鞠弱子屢值寇警絕炊水操愈勁節終八十四歲

王氏烏石下賴學程妻年二十四而寡撫孤子柏舟自天八十二歲以節終

伍氏大牛嶺謝懷峯妻年二十三夫卒遺一孤歲甲申遭閩寇擄去伍賣產四百餘金贖之堅志冰操壽登八十

廖氏邑廩黃元妻年二十六夫歿哭盡哀撫九齡孤紡績課讀孀居歷五十載邑侯萬區曰節映中河

潘氏賴克明妻年十九夫死欲身殉遵姑命撫子承桃四十九歲卒

劉氏秋溪賴君贊妻年二十二守節七十餘歲卒

溫氏許宗騰妻年二十六夫歿孝養撫育壽七十以節終

石城縣志 卷六
劉氏漢皋堪周文所妻二十歲夫亡守節撫二子成立壽七十五卒 旌

許氏丹溪李顯佑妻二十一歲夫死撫孤四歲家貧絕粒有憐而勸其他適者復遂蒸空甑鍋中以杜勸者之口艱苦相依甘節如飴 旌

賴氏長樂陳昌嘉妻年二十夫亡撫孤週歲守志勤紡績以奉公姑壽六十族額獎曰冰心獨照 旌

嚴氏陳坊陳國善妻年二十七夫亡中年子慶祐復夫偕媳劉氏撫遺腹子清操共矢 旌

鄧氏湛溪溫子美妻年二十九夫亡七十三歲終 旌

王氏名貴秀大琴陳福畧妻年二十二夫亡竭力事姑撫二子成立學師譚匾獎曰冰雪圍心以節終 旌

蕭氏楊淑俊妻年二十三夫死母家欲奪其志氏面承然香誓守苦績孝養公姑撫孤傳後 旌

張氏大琴陳生漢妻年二十二歲漢卒張事翁姑益孝敬撫孤及孫俱成名 旌

許氏迎恩坊周元亮妻二十歲懷孕三月夫出外亡以媳代子艱苦備嘗邑令郭匾獎之年七十六卒 旌

蕭氏黃承遐妻年二十三夫死子幼家赤貧竭力養公姑節終七十歲 旌

張氏池溪何若有妻年二十八夫死家貧苦守姑患目疾旦暮扶持不懈姑得年八十以壽終氏亦卒年七十一孀居四十四載誨子俱成立里稱慈孝貞節

白氏小鴈賴君衍妻年二十七夫死父難守節五十一年

節終

曾氏長溪賴應鵬妻年二十一夫死撫三歲孤守節家貧奉養繼姑及夫本生姑備極紡績之苦

曾氏北關溫子玉妻年二十一夫亡長子僅三歲次方匝月以死殉者再其兄曉以子姑孰靠兩孩誰依因不死甲寅八月建寧寇攻城氏家竹園下近城十里地遭

擄掠氏翼姑繫子竄匿不及被獲欲殺之氏泣曰吾夫死死吾素志也乞貸姑及二孤足矣賊感其誠竟得釋寇退家計蕭然惟勤婦職養姑二十三年撫二子俱克承義方訓

李氏溫尚一妻年二十六歲夫亡守節備歷艱辛閱五十歲而歿

邱氏篁竹坑張時曉妻年二十一而寡一孤在抱堅心守節勤訪績備物奉姑課子成立比老逢夫忘日哭盡哀年六十乃卒

劉氏迎恩坊周貢先妻年十九夫亡守節孝事翁姑撫子

石城縣志 卷之六
成立卒年五十八歲志

謝氏溫國良妻年二十一夫卒竭力事孀姑撫二子以節終志

杜氏廖志珠妻年二十歲夫歿子生五月竭力保抱卒年五十二志

吳氏大琴陳自建妻年二十八夫卒守節艱苦備嘗課子為邑諸生學師辜光筠獎匾志

趙氏植樹坪白孟昭妻事舅姑人欽其淑今年十九夫亡趙號慟誓以死殉姑曰爾夫死猶恃有爾如爾死爾子何恃而夫真死矣趙啣哀茹慟一意撫孤孤成立孫曾

亦彬彬在望卒年六十八歲邑侯萬以懿節可風獎其

宅志

黃氏福村劉崇標妻年十九而寡撫遺孤足不越閨三十年以節終志

王氏煙坊劉邦松妻年十八守節遺腹生一子紡績養姑一日適外家薄其後母所為遂絕跡不往卒年四十八歲人稱節孝志

鄧氏黃錫純妻年十九喪夫氏抱四月子紡績事翁姑憂勞艱苦四十三歲以節終志

陳氏秋溪庠生賴獎妻年二十六夫歿撫一子以節終志

溫氏在城熊師韓妻年十六歸熊越四載而夫卒夫志守節孝事姑課子為庠生以節壽終志

劉氏堂下溫朝璐妻年二十七夫亡遺孤富源富瀾源娶熊氏方二十五歲源卒無子守節十餘年先以哭夫死瀾繼娶鄒氏年十八而瀾復夫亦無子二氏各能立後以報劉劉艱歷五十餘年鄒亦孀居數十載與熊哭死完操一門二節志

賴氏名英娘大琴陳同情妻年二十一痛夫以母喪哀毀卒竭力修姑墳葬夫墓側家赤貧紡績賣釵為子完娶課孫成立以節孝稱志

溫氏石田鄧大愉妻年二十五夫亡一子復天撫二孫勤女紅以活堅節耐貧稱於鄉里志

陳氏龍岡鄧先悅妻年十九守節遺腹生一子苦積十餘金代舅完逋以節孝稱志

熊氏石田鄧勛妻年二十八喪夫事姑課子備極艱辛以節著志

賴氏井溪鄭新琴妻年三十夫死苦節養親撫孤成立志黃氏洋地邑庠賴其軾妻年二十五軾亡竭力事姑撫子

成名志

黃氏堂下溫富稟妻年二十七守節以節壽終志

黃氏池溪何益臣妻年二十九守節以節壽終志

廖氏長樂陳泰祥妻年十九生子生一日而夫卒偕二妯温

氏陳泰佑妻年二十三夫卒無子熊氏陳泰祺妻年二

十一夫亡互厲水搭人稱一門三節志

李氏菱溪姜元士妻年二十一夫卒家赤貧事姑撫子節

孝並稱志

温氏秋溪賴自奐妻年二十五夫亡守節哺孤卒年五十

八歲志

劉氏北關黃先晉妻年二十八夫亡矢志守節勤績課讀

公姑歿借貸營葬刻苦以償以節孝著於鄉志

賴氏温達容妻年二十而寡完節以終志

許氏鄧鍾從妻年二十三夫亡守節事姑以孝聞一子方

四歲撫訓有成為邑諸生躬縞素趾不易方數十餘年

志

熊氏長溪賴湘源妻年二十二夫死越五月遺腹生子鞠

課成名孝養八旬老姑以節孝著志

尹氏城內許荆石妻年十九而寡貞節矢志貧撫一孤姑

年八旬尹生養死葬無違禮志

張氏黃承煥側室年二十夫死矢志守節謹凜奉姑事夫

正室及次室亦如之紡績課子成名庠序志

賴氏廟山下庠生劉邦東妻年二十八夫亡事祖姑及姑
備極孝養撫子成立學師譚匾曰雪印清操志

白氏長樂陳如心妻夫早夭外戚勸嫁氏堅拒毀形破衣
以明志姑老子幼日勤紡績度活邑廉王獎以匾志

鄧氏許坊許耀輝妻年二十七夫亡守節撫二孤成立七
十有八以壽終志

李氏石田鄧鍾崙妻年二十三夫亡孝事姑訓子為諸生
節終七十八歲志

陳氏黃驛海妻年二十八夫亡撫一子守志子復天氏艱
苦養姑及三歲孫卒年七十七志

劉氏賴明俐妻年二十三夫死一孤甫週教養成立事姑
孝謹以節壽終志

王氏新田上魏大福妻年二十四夫亡撫孤守志卒年七
十三歲志

陳氏小弼賴明林妻年二十八夫亡矢志守節奉姑教子
以節孝著志

黃氏暢谷邑庠潘祐繼室年二十夫死時歸潘僅三載得
遺腹子一生孫而子復天氏撫前妻二子并孤孫辛勤

教養節守四十二年次子國逢登乙卯賢書志

熊氏清姑筓竹張正許妻年二十六夫亡哀毀欲死因姑

石城縣志 卷六 人物志 列女
在乃忍事姑以色養家貧血指為饔飧計課子成立邑
侯朱匾獎節孝雙標

劉氏長樂陳應秋妻年二十六夫卒事舅姑以孝聞課子
及孫皆成名

李氏石田庠生鄧輝妻年二十五夫亡守節奉姑備極孝
養撫一子教誨成立

鄧氏大琴陳宗器妻年二十六夫亡子幼竭力事公姑以
節終

溫氏豐山許從福妻年二十三喪夫撫四歲孤成立以節
終

陳氏昇平坊崔廷召妻年二十六夫卒家貧撫孤守節孝
養公姑以節著

陳氏庠生鄭垂統妻年二十二夫死得遺腹子教之成立
終

熊氏石田邑庠鄧璜光妻年十九璜以父仇滅賊致死熊
竭力事姑課子為諸生以節孝稱

熊氏藍田黃元翠妻生一子年二十四歲夫亡守志以節
終

賴氏北關黃景姚妻年十八夫死守志事姑訓遺腹子為
郡諸生卒年五十

石城縣志
卷六
劉氏堂下溫雲標妻年二十八夫遭橫死仇以千金請息
劉不從訟之官數年家益落有力勸再醮者劉曰我去
公姑誰事幼子誰撫貧困命也苦節四十二載六十九
歲卒志

黃氏長樂陳泰標妻年二十一夫歿事姑以孝一子撫養
成立以節孝著志

楊氏北關黃先仁妻年二十一歲苦節撫二子事舅姑登
上壽志

黃氏羅源李容所妻二十三歲夫亡生遺腹子家貧姑勸
別適不從紡績撫養以終其志志

胡氏丹溪李竹林妻年三十守節撫子二苦節堅貞邑廉

王匾獎志

溫氏北關黃薇石妻年二十七夫亡撫二子教養並至以
母兼師志

賴氏進賢坊熊倣尹妻二十八夫死斃容矢志守節以終
志

李氏羅溪溫茂順妻先甲寅寇變夫婦為賊執氏願身代
夫死賊感其義俱免年二十七夫亡守節十餘年四子
洪蘭復天媳曹氏年十八與姑共守恐死撫孤夫兄三
人先後俱卒氏撫諸姪一如己出人稱一門雙節志

李氏秋溪邑庠賴穎妻年二十八夫歿事翁及繼姑曲盡孝養勤紡績課二子為名諸生實守節四十二年卒志

潘氏秋溪賴永竹妻年二十七夫亡守節姑病氏日夕奉湯藥三年不懈遺一孤督令就傅以親善立身為訓志

劉氏吳世雄妻年二十五夫亡門戶孤立撫一子守節時值世變引刀自畫其面後得保全不污卒年八十七志

熊氏名鶴德長溪賴昌松妻年二十一守節家貧力勤織甑得甘旨奉姑自啖粗糲姑歿營葬如禮一子二十三歲而夭撫孫四皆業儒志

賴氏劉重鐸妻二十八歲守節撫二子同列國學夫賴與

二媳一門三寡以節壽終志

許氏羅溪溫鎮妻年二十二夫亡母家勸其再醮許指老姑暨懷中遺赤曰人以兩世託我我負之可乎遂終身矢志不衰志

張氏亨田黃宣衡妻年十九夫以貿易客死撫遺腹子守志舅眇姑跛張代夫辛勤頤養咸臻上壽志

賴氏龍岡鄧永績妻年二十三夫逝決以死報舅姑再四勸之乃止自是朝夕勤女工以備孝養督課一子成立

志

賴氏名桂秀大琴監生陳同采妻年二十四采病篤語賴

曰余無兄弟一子在抱得再繼一子死無憂比卒賴泣請於夫之堂兄以次子承繼一體恩勤二子俱獲成立守節二十六年合族匾獎鐵金鑄性志王

賴氏桐樹坪白元煥妻年二十七夫亡守志養姑撫子蓬頭垢面身操井臼姑死殮葬如禮二子成立邑侯朱匾獎節孝雙著志王

劉氏檀樹下溫粹廷妻年二十五夫亡止遺門首田數畝氏紡績養姑一子日樵夜乃耕時多虎劉終夜擊竹為子驅虎孤苦伶丁七十一歲卒志王

劉氏名春英石田鄧爾臨妻年十九生一男方數月而夫

歿勵志守節訓子以義方七十九歲卒學院沈獎以冰心柏操志王

李氏白家源白仰松妻性靜定步履不苟年二十而寡厲志撫孤中外嚴憚家貧勤女紅以給朝夕茹荼飲藥艱苦備嘗子卒成立族獎曰節行流芳志王

溫氏名六秀城內熊尚倫妻二十八歲夫歿守志家赤貧勤紡績度活薄粥自甘撫三子俱成立瑞德其季也卒年五十二志王

陳氏北關黃先盛妻年二十八夫亡翁亦棄世事祖姑與姑辟績奉養以孝謹稱夫弟七人無間言苦守撫孤足

不踰闕

志

黃氏熊先慰妻年二十夫亡守節有女伴諷以他適者氏嚼指流血曰無他言即以血汚爾面蓬首敝衣撫孤成

立

志

賴氏堂下溫嗣章妻年二十三夫外出撫一子家貧辟績度活夫數年杳無音問有聞其外卒力勸再嫁者氏嘗語責之後子復卒孤苦癯獨見者莫不淚下堅貞五十一年以壽終

志

唐氏池溪何圖南妻年二十七夫亡孝事翁姑教遺孺成立以節終

志

劉氏秋溪廩生賴世年妻年二十七歲夫亡守節鞠育三子勤苦紡績誨一子為諸生

志

賴氏下市街吳吉儒妻年二十五夫亡家貧孝事繼母撫養二子

志

賴氏龍上里例貢鄧應桂妻年二十六夫卒四壁蕭然一子天撫孤孫成立堅守六十餘載邑侯萬丹詔匾曰冰霜矢志

志

劉氏大琴陳同淮妻年二十六夫亡耐貧守志撫一子督課成立

志

陳氏名直秀秋溪賴昌基妻年二十七歲夫歿奉姑撫子

勤紡績以給饗殮守志四十四年卒族獎以節旣雙推

志王

夏氏北關黃承璣妻年二十三夫卒遺五歲子竭力奉公

姑以節孝著志王

陳氏秋溪賴昆明妻年二十六夫亡矢志守節竭力事姑

撫子成立志王

張氏大猷坪曾濃望妻年二十三夫死家貧孀守撫一子

成立里稱苦節志王

陳氏北關黃承永妻年二十七夫亡撫二子苦守學院王

匾獎節比松筠志王

潘氏笈溪庠生姜日輝妻二十七歲夫卒代夫孝養公姑

撫孤隆宣為國學生娶媳賴氏生二孫賴年二十八隆

宣亡欲殉潘止曰吾與汝子何依遂恐死其守長子威

球完娶復夫保一孤初終夫志不渝志王

溫氏何石下何忠權妻年二十四歲夫歿守節事姑孺子

備極艱辛志王

李氏井溪鄭呈佑妻年二十五夫亡撫一孤孀居姑年八

十餘奉養不倦後孤夭繼姪孫承夫祀耐貧堅節以壽

終志王

溫氏名閨秀丹溪李紹師妻年二十九夫亡旦夕號泣蓬

首垢而足不踰閼誨二子成立志

雷氏石中里龔建齋妻年二十九夫死家貧苦績孝事繼姑撫兩孤成立志

潘氏北關國學生黃世嶸妻年二十七夫故矢志柏舟家貧以績紉字二孤為之完娶誨之成立長男德璋娶廩生李光斗之女二十八而寡氏仰事俯育惟恃績麻無隆冬深夜手龜坼不輟次男德瓚娶潘敬夫之女二十五而喪夫生孩纔彌月矢志勵操勤女紅易薪米孝養其姑已則忍饑撫育人稱一門三節志

賴氏耽溪武舉許光邦妻年二十九夫故勁節自矢居近

市廛足跡不踰閼即比鄰罕識其面先是氏初歸遇姑病氏日夜扶持衣不解帶事翁及繼姑維謹年六十三以節終志

潘氏北關黃世焜妻年二十二夫亡矢志柏舟清操勁節足不踰閼姑病衣不解帶者數月撫夫兄鶴雲之子為嗣恩勤逾於所生年四十五以節終志

李氏進賢坊監生熊亮天妻年十七于歸兩月而夫亡無嗣堅貞自矢求繼堂兄之子撫養成立現年六十一歲守節四十五年志

溫氏進賢坊熊德符妻年二十八夫亡家貧堂上白頭二

老膝前黃口藐孤氏堅志績紡仰事俯育人稱節孝舊志

溫氏金錢坑羅先奉妻年二十八而寡家徒四壁無以度

日氏孝養公姑撫育三子勉勤生業原籍閩徙子徙居

於石治產創積後裔繁碩人以為苦節之報舊志

劉氏小姑村朱興用妻年二十一夫亡外家欲奪其志氏

涕泣曰婦人後一而終即使晨炊不舉亦甘為朱氏鬼

耳於是扃戶紡績不至外家者念餘年孤子僅三齡氏

教養成立旋又早世姑媳苦守晚年土寇竊發氏攜弱

孫流離辛苦幸延一綫人以為苦節之報舊志

巫氏泥坑村張均化妻年二十八而寡清操為鄉里重夫

兄死妯再醮遺一孤氏撫之如己子誨子姪俱無從匪

葬家貧績紡口食外稍有餘貲即以施濟守節四十八

年而歿舊志

黃氏秀嶺李斯才妻年二十一夫亡鄰媪以其少勤別事

怒叱之誓不變節奉養公姑唯謹撫夫兄子為嗣恩勤

兼至俾克成名儉積有餘則以施濟里黨遇歡歲更加

周卹族鄰咸感之現年六十五歲守節四十五年舊志

許氏堂下溫長青妻年二十四夫故一子方週家貧苦節

唯勤績易粟以養公姑以育幼孤無力為子延師晝今

採薪夜則授書人謂其愛而能勞現年七十一歲清操

四十八年舊志

李氏學上陳灌先妻二十七歲夫喪止遺一女及夫次弟
生男氏即跪求公姑撫以為嗣家貧鬻簪珥以為乳媪
之資孝養公姑甘旨稱缺則暗淚隨之族鄰稱為節孝
婦現年五十七歲守節三十一年舊志

胡氏北關黃世灝妻年二十七夫喪一子繼頌勵志苦守
撫夫弟之子為嗣勤紡績資從名師遊俾入庠序姑病
衣不解帶者數月年週甲以節終舊志

賴氏北關貢生黃先懷妻年二十八夫故氏姑與庶姑皆
以節著氏繼之當事有兩世三貞之獎事兩姑備極孝

敬荆釵布裙終身不御環璜現年六十七歲娶居四十
一年舊志

熊氏大奮尹列冠妻年二十四而寡封髮自誓孝養公姑
撫夫兄之子為嗣教養俗至以女紅所得者寸積為婚
娶資以節壽終舊志

曾氏小松廖日問妻年二十一而寡家貧紡績自食課子
其祥名列庠序其祥歿其妻鄭氏時年二十七誓以節
終兩世清操皆獲獎於當事舊志

溫氏北關黃先珂妻年十九歲夫亡守節家赤貧惟資女
紅以奉翁翁歿典賣衣物以畢喪葬訓子不以藐孤稍

寬督責嚴氣正性雖尊者見之亦莫不生敬以苦節終舊志

陳氏羅溪劉漢英妻年二十八夫亡養教二子次子名列成均勤儉清操稱於鄉里年五十九而終守節三十一年舊志

江氏霞湘劉國灝妻十九歲夫逝外家因其青年勸改適氏矢志不奪遺孤旋夭繼夫兄之子為嗣孝養翁姑撫

子成立守節六十五年壽八十三歿訂舊志

王氏長上里許先芳妻年二十五夫故氏哀痛悲切誓不獨生自經者數次因念舅姑在堂婢子在抱乃節哀忍

死矢志守節家貧日績麻易粟以奉公姑而自率子惟飲菜羹而已現年五十三歲守節二十九年舊志

賴氏新坊廖九章妻年二十二夫亡苦守養公姑以孝訓孤子有成閨門嚴肅孀居二十餘年足不踰戶聲不出

閩隣里敬服年四十五而終舊志

賴氏煙坊劉勝衢妻年二十五夫亡外家因其家貧勸之改適氏堅志不從其兄弟乃撥己租以贍之苦節清操

鄉里共欽舊志

周氏三溪監生賴富甲妻年二十九歲夫從館歸沿途悞採毒菰烹食之同日共殤夫子女五人僅遺一孤氏不

願獨生觸棺幾斃姑再四勸之乃止自是矢志封髮養姑撫子備極艱辛後積勞成疾以終志

黃氏石田鄧元模妻年二十三夫故慟哭絕聲死而復甦者數次繼念夫屬纊時命其忍死待繼乃稍止後繼夫弟次子為嗣恩勤鞠育訓督維嚴諸姑勸其稍寬氏曰繼子以承夫志不教恐其無成也厥後繼子成立人為教訓之善孀閨二十五年而歿志

黃氏大琴陳恩永妻年二十八夫亡家貧矢志苦守紡績度日祖姑瞽氏扶掖侍養不懈姑患病數年調理無措賣衣剝以供醫藥父憐其貧欲借之任所以堂上莫供

甘旨辭凡翁姑喪葬皆氏拮据為之邑族稱其孝節無

異辭志

謝氏亨田黃金裕妻年二十五夫故矢志不貳事翁姑雖貧不缺甘旨撫育二子慈不忘勞長子道江膺歲薦次子道輝有聲庠序人以為苦節懿訓之報現年七十四歲守節五十年志

賴氏亨田黃宣抱妻年二十八而寡日勤紡績以供甘旨勉其子力學從名師遊故二子皆列膠庠以能文名清操勁節稱於鄉里年七十五以節終志

陳氏半田王啓星妻年二十一而寡家貧如洗氏辛勤女

紅孝養公姑撫育二子節勁松筠稱羨人口現年五十
三歲守節三十三年志

溫氏北關黃殿芳妻年二十七而寡封髮自守家貧窶日
夜勤績以世甘旨資其子出就外傳以承夫志撫養雖
慈而課讀極嚴年五十八以節終志

陳氏小弼賴文渡妻年二十一而寡矢志不貳清操過人
循循姑側奉養敬恭辛勤紡績撫孤有成孀守二十八
載完貞四十九年志

黃氏秋溪賴應捷妻年十八夫故氏絕粒誓死其姑攜兄
子時丞以勸之曰速死以了事與繼此子以慰夫孰愈

氏乃忍死撫繼子教誨備至孝養其姑寢食不離左右
姑年九十氏侍疾床第衣不解帶者數月清操孝養為
閨姻範現年五十九歲守節三十八年志

鄧氏堂下溫青林妻十七子歸晷年夫染惡疾翁姑勸改
適氏號泣誓死不貳飲食床第無嫌忌年二十六夫死
家窶甚氏鳴機度活養翁姑撫視孤毫無怨尤現年六
十三歲守節三十八年志

陳氏堂下溫郁周妻年二十七夫舟行遇覆氏典衣募撈
獲尸載棺歸以媳代子翁姑憫其貧寡卻勿進甘旨氏
委曲敬奉孝養無忽現年五十一歲清操二十六年志

鄧氏場谷潘魯瞻妻年二十五夫亡無子誓以死從夫兄
大勲以子繼之乃忍死撫嗣封髮自守雖同居宴慶皆
不與年五十六以節終志

鄧氏場谷潘方舟妻二十七夫故父母勸改適氏曰嫁即
夫絕嗣矣苦志以待繼可也遲十六年繼夫弟之子為
嗣恩勤信至誨之成立年六十六以節終志

黃氏場谷監生潘長亭妻二十二而寡矢志不貳姑老
疾痛疴癢委曲奉侍好善樂施每歲青黃不接鄰媪借
貸不取息過歉歲并不計償現年六十歲守節三十八
年志

周氏石田鄧有望妻年十九夫亡無子苦守養姑為夫守
繼勉之力學居恒衣必縞素足跡未嘗踰閭現年五十
二歲守節三十四年志

賴氏石田鄧用儼妻年二十五夫故遺腹生一子勵節撫
孤誨之成立蓬頭垢衣影不出戶鄉里稱之志

賴氏丹溪李明侗妻年二十八夫故矢志不貳夫舅繼歿
氏惟姑是依貧無燈油每於月下紡績以供甘旨閨門
之內雖三尺童子不敢擅入邑侯孫聞其清操匾獎之
守節三十七年而歿志

李氏葦岡溫郁輝妻年十八夫亡哀毀幾斃念翁姑已頽

夫無兄弟遺腹在身冀延一綫乃忍死苦守逾一月生子撫之慈嚴並用勉其力學有成足不踰閩雖至威罕見其面現年五十三歲守節三十六年志舊

張氏珠璣畚羅王明妻年二十九而夫歿父母欲奪其志氏堅執不從自是不復歸寧姑患目疾偶傷湯火肌肉潰爛溽暑穢甚氏拭濃血不懈如是者三年現年六十五歲守節三十七年志舊

李氏小口蕭景文妻年二十八夫亡氏矢志不貳足不踰閩日勤女紅清操稱於鄉里現年五十九歲守節三十二年志舊

李氏石田例貢生鄧瀾妻年二十六夫故時舅姑既死只有祖姑外家聞其少年無子勸之再醮氏曰好女不事二夫因斷髮以示不易祖姑病癱瘓氏奉侍維謹凡污穢之事無不躬親一夕祖姑夢神告曰爾孫媳侍爾勤苦神憐其孝賜爾病愈自是漸瘳人傳其異年六十八以節終志舊

溫氏石田鄧鳳光之妻年二十九夫亡無嗣氏堅志自守夫兄有子僅三齡夫兄亦亡似別事家赤貧氏撫養三齡之姪女紅度活訓姪成立婚娶生子族黨稱羨不置現年七十三歲守節四十五年志舊

吳氏武干劉德曉妻年二十二夫亡一子在抱逾數年其子復殤外家勸之嫁氏曰嫁則夫嗣絕矣吾苦志以待繼耳後撫夫兄之子為嗣恩勤倍至誨之成立奉公姑以孝聞現年八十歲守節五十九年志

何氏城內崔有乾妻年二十三夫死家窘甚氏紡績苦守敬養其姑比歿竭力營葬撫一子弱冠而夫乃繼夫弟之子為嗣清操五十九年而卒志

黃氏上弼賴慶元妻年二十七夫亡家徒四壁矢志守節辛勤紡績以養公姑以育遺孤備極艱苦族黨誦贈曰霜筠挺翠志

王氏唐台張惟善妻年二十三夫亡弟姒孔氏張海先妻亦青年而寡惟善無嗣王氏求海先長男元隆繼祀後海先次子三子俱夫元隆生有四子孔氏乃求元隆次子與四子轉繼為孫兩氏苦守貞操展轉為夫宗祧計人皆以賢能節婦稱之志

張氏禮上里賴邦珮妻年二十三夫亡矢志冰操事翁姑恒得歡心現年六十五歲志

陳氏石中里龔嵐波妻年二十六夫死家貧苦守紡績撫孤成立鄉邑咸稱姆儀志

賴氏石中里龔翠山妻年二十一夫死子僅三齡家貧無

立錐藉紡績以奉姑撫子人稱節孝志

溫氏唐台魏世涓妻年二十三夫逝無子苦守姑死遺三

歲幼叔氏為之撫養成人後繼夫弟之子為嗣紡績以

供乳媪守節二十五年而終志

陳氏新田上魏天助妻年二十二夫逝天志靡他翁老患

瘋疾氏奉侍夜常六七起終身不倦族以節孝雙標獎

之現年五十二歲守節三十一年志

黃氏石中里下羅圍邵庠生賴藝逸妻年二十六夫亡堅

節自矢撫孤成立姑病卧六載代供子職日夕不懈節

孝並傳志

龔氏石上里井溪鄭鷄薦妻性貞靜足不踰閨年二十七

歲夫亡矢志守節姑老二子幼家貧賴紡績常不能供

爨採野菜和米煮羹以資養苦守三十八年志

熊氏齊家坊庠生王學亮之妻年二十六夫亡守節有勸

其別事者恒遭面斥終身不改操志

陳氏石中里下羅圍賴朝京妻年二十四夫亡封髮自誓

家貧藉紡績奉翁姑撫孤子極盡艱辛人稱節孝志

張氏興隆街楊光綬妻青年守節孝事翁姑撫孤成名志

黃氏石中里下羅圍賴有銓妻年二十三夫死觸棺誓欲

從地下勸以孤兒無依始忍悲勉留事翁姑盡孝撫孤

教養兼至鄉族稱羨志

許氏石田鄧大籌妻年二十七夫亡冰操自守上奉翁姑

下撫孤子賢聲著鄉里志

陳氏黃土坪例貢周行仁妻年二十八夫死觸棺欲死公

姑勸止之冰霜自守至四十七歲以節終志

黃氏龍上里螺田墩潘偉士妻年二十五夫死家貧有勸

其改適者氏即厲言叱之堅節自守受饑寒無怨志撫

子運慧恩貢生志

王氏石田溫濟寒妻年二十三夫亡欲自經公姑指遺孤

勸止之氏堅貞自守仰事俯育里有賢聲志

魏氏禮上里監生劉重先妻年十八于歸二十五夫死霜

寒堅守現年五十一歲志

賴氏場谷螺田墩潘際從妻夫自八齡患瘋疾氏歸日侍

床第無厭數年二十夫亡堅貞自矢事姑極得歡心姑

患疾喘百計調治以終天年志

許氏北關儒童黃德詔妻年二十五夫亡堅貞自矢事翁

姑生養死葬俱盡禮繼姑常病喘發必經旬氏朝夕撫

摩衣不解帶夫弟子女幼失恃氏提攜愛護不啻所生

賢聲噪于鄉里志

李氏大琴陳同繡妻年十九于歸閱一載夫歿無子繼去

弟之子為嗣堅貞自守家貧奉養公姑惟資紡績撫育
繼子愛而能勞俾之成立艱苦三十七年現年五十六
歲志舊

賴氏橫江廟山下劉之京妻年二十二夫因縣試招覆第
一急赴值秋漲溺水死氏號奔掖棺歸不願獨生姑抱
週歲孤力勸乃忍死家貧勤紡績以奉公姑撫孤成立
現年五十有二志舊

張氏北關監生黃世簡妻年二十四夫亡堅貞自矢孝事
繼姑得歡心族邑咸稱道之志舊

程氏禮上里齊家坊王兆周妻二十歲夫死家貧上奉公

姑下鞠孤子歷盡寒苦現年五十八歲志舊

鍾氏北關黃遠度妻十七于歸二十九歲夫死家貧霜寒
堅節現年七十五歲志舊

李氏石中里長坑裡例貢生吳宗遇妻年二十九夫亡矢
志冰操不移現年五十四歲志舊

賴氏郭北迎恩坊黃貞靜妻十七歲于歸次年夫故觸棺
願以身殉姑勸之曰尔身孕倘幸生男可接宗祧氏乃
忍死事姑孝撫遺腹孤慈嚴相兼至今孫曾濟濟人稱
節孝之報志舊

陳氏相中里堂下温受天妻年二十六夫卒哀痛死而復

甦者再夫葬日遺腹生次男長子天氏又擬自經祖姑抱遺腹子勸之自後氏苦志自守事祖姑盡孝撫幼子教養相兼現年五十九歲

溫氏井溪鄭新俯妻二十八歲夫亡觸棺欲死翁姑抱幼子勸之乃止自是霜寒堅守事翁姑盡孝撫幼子慈嚴兼至

謝氏石田監生鄧煥棠副室年十六事煥棠生子不育居側室八載而家主歿與嫠嫂同志嫂亦旋逝以幼孤屬氏氏痛夫無後先人只此一線視如己子一日痘疫危急氏哀禱於神是夕姪夢神曰汝叔母清操吾感其哀

誠為汝祐無患姪以隻身衍先緒氏功也守節三十六載而終

凌氏石田例貢生鄧臣副室年十七事鄧臣二十二而鄧臣歿老姑在堂氏生子纔四歲氏奉姑撫孤克盡孝慈事嫡如姑恭順有理閨門嚴肅雖三尺童子不許擅入現年五十二歲守節三十一年

彭氏寨背黃承御副室年十七事承御二十八而承御故氏欲相從地下鄰媪勸之曰汝長孤僅六歲次孤生纔三月汝死則二孤何人撫育氏乃隱忍堅節撫孤辛勤創積常州守黃承年匾贈月印中河以節壽終

吳氏燕蕪朱友璵副室年二十六而寡家赤貧鄰媪皆勸
之嫁氏績麻供菽水育幼孤溽暑嚴寒日夕不輟清操
勁節以壽終舊志

賴氏北關黃先柱妻年二十八而寡家貧苦守撫族姪為
子孝養公姑不以貧乏缺甘旨現年五十一歲守寡一
十四年舊志

陳氏漢臯俱周志先妻二十五歲夫死家貧忍饑鞠子勤
績紡以養公姑族鄰稱節孝舊志

邱氏濯龍楊信如妻二十六歲夫亡堅貞自誓現年五十
二歲舊志

賴氏禮上里桃花際監生王爵之妻青年夫故現年五十
二歲舊志

吳氏龍上里新田村魏郁文妻二十九歲夫亡藉績紡以
奉姑鞠子至六十一歲壽終守節三十二年舊志

葉氏龍上里新田村魏遜唐妻二十六歲夫亡事公姑婦
盡子職教孤子母兼師道舊志

溫氏壩口祠堂陳英茲妻年二十三夫亡封髮矢志事翁
姑孝謹撫幼孤慈嚴並至族鄰咸嘖嘖稱道舊志

黃氏禮上里煙坊劉家瑞妻二十六歲夫亡無嗣求立繼
子霜寒攜撫年至七十以節終舊志

卷六 人物志 列女 百七

李氏小松廖景頊妻年二十六夫死勤績養老姑撫遺孺更積餘資買廳基作祠以妥祖靈族咸稱羨不置志

黃氏禮上里秋溪賴永高妻年二十夫亡家貧上事公姑下撫孤惟資紡績族人賢之贈匾苦節凌霜現年七十八歲志

江氏陳坊陳居仁妻十八歲子歸二十九歲夫亡觸棺欲死公姑勸之冰操不改奉公姑恒得歡心撫孤兒教養備至鄉族咸稱節孝志

張氏貢生溫家寧第三妻年十七事家寧二十二歲家寧死嫡室楊氏以其年少且為妾之日淺非次妾黃氏比

欲令別事張氏曰我雖妾媵節不可渝且嫡室待我有恩黃亦妾居吾何忍獨去于是解其腳裏蓬頭垢面以節自夫人咸嘉之志

沈氏秋溪賴吉就妻年二十二夫死遺孤逾三月孤亦死求夫堂弟之子繼續夫嗣家貧績紡撫養慈嚴並濟志陳氏秋溪賴永暹妻年二十三夫亡外家欲奪其志氏以姑邁堅志不從家貧勤績紡養姑撫子族人稱之贈額曰松操荻訓志

張氏北關黃文伊妻年二十二夫亡矢志冰操慈撫遺孤越數年孤夫求夫堂弟之子以承祧夫祖八十餘歲張

氏孝奉以終天年

舊志

張氏石中里大畚彭卜賢妻二十六歲而寡家無斗筲祖姑及姑兩世相依朝夕奉養皆氏紡績所出祖姑歿備極艱辛勉力成禮姑死亦然鄉里咸嘖嘖稱羨

舊志

官氏唐台魏世材妻二十九夫亡家貧勤紡績具翁姑膳撫繼子教育備至邑紳黃軒臣等具呈邑令王轉詳各憲給匾曰節孝維風

舊志

新增

黃氏城內學上陳錫周妻年二十六錫周死遺孤六歲家貧有諷以青年別適者氏泫然曰翁待選禮部夫賁志

一經乃冒恥事人不辱士族耶且垂老翁姑侍養何因恤緯市甘奉二人自啜粥以育孤翁後選授興國司訓隨任數年解組歸益貧乏氏藉紉績敬養不衰翁姑歿典鬻終喪葬教子春聯愛不弛勞卒成名諸生迄今七十有五歲白髮青燈猶督課諸子孫力學弗倦也

王氏豐上里鮑溪許宜攀妻歸七年而宜攀歿氏年二十五歲時舅姑先逝七旬祖翁姑在堂兩孤一女相依為命二老旋歿兩孤繼夫與一婦楚楚相守復艱辛為次孤立繼今孫又生子五世相延矣享年六十七而終黃氏場谷潘湛亭妻年二十一夫殯留時曰我死若何氏

曰今孕在身生男則勉承夫祀否則從入九泉耳夫亡四月生一子縞衣悴容血指延息乳抱幼媳撫養生孫孝養邁翁壽終八旬現年五十有八守節三十八年

鄧氏豐上里耽溪許式侯妻二十九歲稱未亡人幼好讀列女傳夫歿每念慷慨赴死易從容就義難乃屏粧飾勤女紅上奉翁姑下鞠孤子姑性卞急恒加斥辱事之維謹孤稍長日命懋遷夜督就學今子若孫蒸蒸蔚起人謂非氏力不及此

李氏北關生員黃昌齡妻及笄于歸二十三夫歿誓以身殉族戚勸以翁姑及髦孤兒五齡倘以身殉老幼疇依

乃忍痛強起撐持門戶仰事俯育孝慈兼至苦節四十年子膺歲薦孫列黌序鄉黨欽之

曾氏小弼賴永譜之妻二十五歲夫歿家徒四壁織絰以給孀居三十六年鞠孤成立現年六十歲

伊氏北關監生黃愛斯之妻年二十七夫歿矢志不渝釵荆裙布色笑胥捐子二未離襁褓氏艱辛鞠養次子復殤幾不欲生勉撫長子教誨成立名列雍宮守節二十九年現存五十五歲

鄧氏北關儒童黃華軒妻十七于歸二十二夫亡觸棺昏絕者數四時夫兄先一年歿翁姑方抱連喪二子之痛

氏乃強忍就活自勵冰操與寡似相依閨域不踰一子
列成均又早卒媳陳氏封髮與俱姑媳楚楚一門三節
鄉族憫之現年五十一歲

陳氏亨田黃汝清之妻年十七于歸二十八而寡清苦自
勵上事翁姑下撫孤兒守節二十六年現年五十三歲
黃氏小弼賴嘉理之妻年二十九夫逝誓死以殉繼姑陳
氏勸曰汝翁卒時予年二十四勵節自守茲予年邁汝
有二孤汝死將誰依乃強起節哀事姑撫孤孝慈克盡
迄今子為諸生現年五十八歲

鄭氏石田沙溪儒童鄧岱宗妻年二十八夫歿舅姑並髦
稚子伶仃姑復患疾疾便溺穢漬氏朝澣夕滌奉侍不
懈十餘年如一日教子嚴遵例入太學

黃氏坑背監生溫懿珠妻年二十九夫逝勵節冰霜奉姑
孝敬辛苦撫嗣典質為畢婚娶守節四十二年現年七
十一歲

李氏陳坊儒童陳介融妻十六于歸年二十生子匝月而
夫逝氏誓死以殉人告之曰汝上有祖姑翁姑下有遺
孤汝死何恃乃強起上事下育曲盡勤勞孤方壯復大
與媳共撫孤孫冰雪同心艱辛四十七年六十六歲卒
鄧氏井溪鄭侶卿之妻年三十夫歿紡績以事翁姑撫孤

守節蓬首四十六年現年七十六歲

溫氏城內熊鼎昭妻年二十八夫歿二子相繼俱夭氏以命自安與媳苦守撫孫成人現年五十三歲

李氏坪山賴定宣妻年十八夫故遺孤方數月氏痛欲殉姑曰我與翁皆髦汝孤何人鞠養于是恪遵姑命堅貞自持撫子成人迄今子孫孝弟力田皆本氏教現年七十五歲守節五十八年

溫氏丹溪鄭永倉妻二十六歲夫歿柏舟自矢上事髦姑下撫幼子孝慈兼盡勵節三十一年現年五十七歲

胡氏北關黃春元妻夫故無子時年二十三誓死守節告

族立嗣以為夫後居常閉一樓雖親串罕見其面苦守四十四年現年六十六歲

曾氏丹溪監生李勗初妻十六于歸能執婦道謹事翁姑二十七歲夫逝一孤在抱飲藥自甘孤卒成立守節三十年歿年五十五歲

李氏城內熊亮聲妻幼年于歸二十九歲夫歿無嗣痛哭向夫弟求繼清操三十年紡績自給現年五十八歲

許氏羅溪溫福宗之妻二十歲夫歿無子藉十指以養翁姑繼姪為嗣教養成立歿年六十九歲

李氏新坊儒童廖志縉妻年三十夫歿奉翁姑和妯娌日

石田縣志 卷之九
終
夕勤績以供菽水撫孤遵訓為太學生守節三十六年
壽六十五歲

溫氏霞湘劉朝梓之妻二十六歲夫死於水哭痛昏絕鄰
婦勸其撫孤全後時兒生六月翁姑耄老家貧苦守績
紡供養孀居六十餘年現存八十七歲眼見子孫曾元
五代同堂

吉氏聯芳溫先能妻年二十六夫亡遺一孤封髮自守屏
粧飾寡言笑一以嚴肅自持朝夕惟勤紡績事翁姑獨
得歡心撫孤卒至成立孀居五十二年壽七十八以節
終

溫氏石田儒童鄧璧英妻于歸時堂上重慶氏事之並得
歡心二十七歲夫逝無子繼夫弟子為嗣教養成立年
五十族以柏節松操額其廬守節二十八年現年五十
五歲

李氏井溪鄭華珍妻年二十六夫歿撫孤守節矢志不渝
艱苦二十五年五十歲卒

王氏羅溪劉邦科妻年十六于歸二十九夫歿獨守冰操
孝事翁姑訓孤子輔朝登嘉慶癸酉鄉榜族有荻影霜
清之額守節三十九年現年六十七歲

溫氏井溪鄭象德妻二十六夫歿事翁姑撫二子孝慈兼

盡守節二十四年現年四十九歲

余氏石田溫友璧妻年十八于歸十九夫亡清操自矢子身孝養繼子延祀守節四十二年現年六十歲

李氏羅溪溫盛林妻二十四夫逝守節撫孤慈嚴並至八十一歲以節終

溫氏河田益生鄧蔚林妻年十七于歸甫二載而夫病氏百計醫調衣不解帶者歷數寒暑二十六歲夫逝無子乃繼堂弟甫生兩月子為夫後備極艱辛以至成人姑老生事死塋咸克盡禮人以為孝慈兼備云

胡氏羅溪儒童溫和崑妻年二十四夫逝矢志撫孤清操自勵守節二十五年現年五十三歲

姜氏長溪儒士賴昭模妻二十二而寡撫養繼孤苦節自矢上事翁姑孝敬特聞守節三十六年現年五十八歲
巫氏橫江儒童劉慶亭妻二十六歲夫亡柏舟自矢節凜冰霜事姑撫子艱辛四十四年壽六十九歲

吳氏秋溪監生賴克掄妻夫志讀書試歸輒憂形於色氏以夫体羸弱婉勸以命自安鬻奩資為夫入監二十六歲夫歿無子絕粒者數日翁姑泣諭之始啣哀強起代夫奉事以孝聞立繼嗣延師課讀子飛鴻孫金心皆有聲庠序鄉黨欽之

李氏羅溪溫洪烈妻年二十八夫故遺孤在抱氏念夫教
代單傳匪勉自守艱苦備嘗撫孤成立克延先祀壽七
十八歲以節終

李氏聳岡溫曉莊妻年二十二夫歿繼子承祧日勤績織
事姑撫孤苦守四十六年現年六十七歲

李氏橫江儒童劉傲含妻年二十九夫亡貞操自夫歿事
三姑孝敬如一撫子成立清苦三十八年現年六十六
歲

劉氏秋溪賴承仕妻年二十四夫故悲號不食誓以死殉
翁姑諭曰汝子長纔四歲次猶在抱三甫生數日非汝

將何恃其可死耶氏啣哀強起撫子成立奉侍翁姑數
十年如一日守節四十五年現年六十九歲

李氏羅溪溫文涯妻年二十四夫歿無嗣氏矢志不貳清
吾自給守節二十八年現年五十一歲

黃氏堂下邑庠溫若春妻二十六歲而若春歿時上有重
慈下遺二孤長僅十歲次生甫十月家赤貧仰事俯畜
惟憑氏十指矢志不二劍江丁司訓猷駁為之立傳今
子昌煜在庠有聲人以為苦節之報

伍氏邑庠羅學鯤妻二十七歲而寡翁姑老耄穉子伶仃
家徒四壁聞者隕涕而氏匪勉有無終不以貧苦墮節

在城縣志 卷之六
子後天折氏隱痛茹荼媳亦感動夫共守貞現年七十
有二守節四十六年

姜氏貢生賴運波妻年十四歸運波越一紀而夫歿氏觸
棺幾絕既而念從死無益乃節哀忍痛養姑教子孝慈
克盡現年七十五歲守節五十一年

鍾氏儒童潘際唐妻年二十九夫死無子翁老善病氏事
之維謹一夕聞翁呻吟聲驟起夫之脛骨幾折至今猶
跛為夫擇繼勗之力學今嗣子有成氏力也寡守二十
五年現年五十四歲

黃氏熊直廷繼室生四子二十七歲夫死縞素終身不覓
戶教子耕讀各以材不使近匪葬子皆成立孫曾亦濟
濟人以為皆氏教所遺云

賴氏儒童熊詔先繼室二十五歲夫死守貞不二奉事翁
姑督教嗣子孝慈兼盡今二子均身膺朱紱苦節獲報
宜哉

溫氏北闕監生黃璧聯妻年三十夫歿翁姑在堂遺孤在
抱煢煢窮愁孝養克盡歿年六十有五苦節三十六年
伍氏石澗劉明輝妻二十九歲夫死家貧翁姑老病子僅
三歲氏仰事俯育矢志不二苦守三十七年現年六十
五歲

曾氏橫江劉之藹妻二十八歲而寡遺一孤二女氏傷夫
勵學賣志以歿誓以身殉翁姑力諭之乃強起辛勤為
夫養親畢婚嫁姑以哭子喪明氏日夕紙以舌而復明
訓子若孫俱成材歿年六十四歲守節三十七年

張氏秋溪賴吉招妻二十八歲而寡貞節自勵敬奉翁姑
嚴督孤子令孤子列弟子員遵母訓也現存六十九歲
守節四十二年

黃氏丹溪李翠蘭妻二十八歲稱未亡人遺二子紉績以
養育姑饋粥以食孤子六旬壽日族避其節以冰操壺
則顏其廬守節四十三年壽終七十

許氏小松村廖和成妻十七歲于歸匝月夫亡觸棺幾絕
姑勸以立後乃強起節哀後兩繼皆夭復立繼以延夫
祀現存五十一歲守節三十五年

王氏秋溪賴克岐妻二十五歲夫歿遺二子長纔四齡次
尚乳哺氏甘貧守節為夫養親鞠孤不幸長子旋夭次
子既婚復亡苦節不獲報人咸憐之歿年五十有八苦
節三十四年

曾氏秋溪賴宜容妻二十歲夫亡宜容病篤臨終謂妻曰
我讀書不遂志而歿又無子嗣天實為之當為我立後
庶瞑目矣氏泣而諾之忍死請繼夫兄之七子為嗣督

課甚嚴卒之子列膠庠氏可謂不負臨訣之言矣

謝氏秋溪賴克良妻二十七歲孀守翁姑就衰二孤俱幼

氏節哀奉養茹荼撫孤後翁姑繼逝次孤後夫龜勉喪

葬復拮据為長子畢婚無成而代有終氏固不獨以節

著也歿時七十二歲守節四十六年

王氏洙溪賴宜蕃妻二十八歲夫亡遺三子俱幼氏念堂

上雙毫襁子伶仃節哀事撫家雖貧不令堂上悲無兒

膝下泣無父也年六十六病垂危囑兒媳曰善事吾垂

白之姑守節四十年

鄧氏秋溪賴宜春妻二十二歲夫歿上毫下幼四壁蕭然

僅憑十指供養翁姑逝喪葬盡禮子長艱辛為之娶婦

以才德稱於鄉里歿年七十守節四十九年

許氏小桃株監生張聯陞妻二十一歲孀守無子為夫立

後生平寡言笑慎出入能得翁姑歡心不幸繼子旋夭

偕寡媳共撫一稚孫可哀也現存六十五歲守節四十

五年

鄧氏曾坊選溫文懿妻二十七歲夫歿無子矢志守節翁

姑哀之為立繼嗣今氏五十一歲矣嗣子成立貞操猶

藉藉人口也

劉氏下柏昌溫述先妻子歸時氏以不得奉養翁姑為恨

藉藉人口也

每誕諱日必祭奠如禮二十四歲夫亡遺一孤早夭繼
夫弟子為嗣媳經再娶艱辛百端現年七十六歲

陳氏生源裡儒童溫儒琅妻二十四歲夫亡氏上奉翁姑
下鞠孤子孝養教育備極勞瘁清苦五十一年節終七
十五歲

黃氏城內熊永光妻二十五歲夫亡無子誓以身殉夫弟
勸曰俟生男即以嗣兄也比撫繼子艱辛扶持奉翁姑
終身不懈五十九歲歿

李氏何石下何侶珍妻二十八歲夫歿事姑撫子勵志冰
霜壽七十以節終

羅氏城內黃立常妻年二十七夫歿家貧紡績以養翁姑
撫三子成立勁節冰操鄉里推重現年五十三歲

楊氏陳坊陳澄杏妻年十七歸夫病疽不能成禮尋卒氏
矢志代夫養親立繼刻苦孀居四十三年現年六十四
歲

賴氏聯坊溫尚弼妻二十一歲夫亡奉親撫孤卒時四十
七歲苦節二十六年

黃氏 李漢三妻歸及暮而夫歿氏年二十苦守奉親
撫孤人咸稱之現年五十二歲

李氏 溫朝玉妻三十歲守節撫孤貞操自矢現年五

十六歲

黃氏陳坊陳澄皓妻十九于歸年二十二夫以勵學成疾
歿遺一孤幾不欲生以姑耄忍痛延息事育曲盡劬勞
歿時四十七歲守節二十六年

賴氏新田上魏商彝妻二十七歲夫歿親老遺二孤矢志
冰霜備嘗艱苦七十六歲以節終

魏氏陽谷生員潘際錦妻二十歲夫逝矢志靡他足不踰
閩事翁姑孝敬撫二子成立現年七十三歲

蕭氏山上陳明輝妻二十八歲夫歿家貧無子人勸之嫁
氏潛然曰事夫不偕老命也又覩顏事人其如命何倘

憐未亡人得一子以續夫後當勉力以盡撫養耳後以
夫弟子為嗣拮据婚娶哀然成家壽終七十有八守節
五十一載

賴氏漢皋埧周士宏妻十九歲夫亡子生甫彌月氏矢志
守節撫孤及長為之列成均六十二歲卒

陳氏賴運淮妻二十歲而寡無子奉姑請繼為嗣清操自
守孝慈兼盡卒年五十有六貞守三十七年

李氏新坊廖德壽妻二十三歲夫歿堂有孀姑膝遺穉子
氏矢志不渝日勤女紅姑喪男婚一身拚擋歿年六十
五歲守節四十三年

潘氏北關黃效程妻二十八歲夫亡祖姑羸老穉子伶仃氏茹荼飲藥以事以育三子復夫其二兩世孀守人咸憫之現年五十有二

李氏井溪鄭顯翌妻十七于歸廿二而寡代夫以奉雙親兼師以訓孤子現年五十有九

曾氏罕坑李惟貞妻二十七歲夫歿矢志守貞遺一子復夫有勸其改適者氏磨笄自勵甘窮嫠以終

劉氏溪背溫學筠妻二十四歲夫亡事親撫孤孝慈兼盡清操二十三年歿年四十有六

劉氏亨田黃宣淇妻二十七歲夫歿冰雪之操事育之勞

鄉里稱之壽終六十守節三十三年

廖氏亨田黃汝貴妻二十九歲夫死無子一痛幾絕姑曲諭之乃強起為夫立後事育各能盡道現年五十二歲

鄭氏白茅塘陳碧田妻十七于歸十九而寡上奉菽水下撫繼嗣孝養兼盡現年五十六歲

李氏藍田黃會亭妻二十五歲夫歿遺一穉子翁姑又皆善病氏孝慈克盡鄉黨稱焉現年七十五歲

尹氏黃厚田妻二十歲夫亡家貧藉紡績度活氏奉養二姑育鞠孤子歿年六十有五貞守四十四年

李氏賴善才妻二十八歲夫死矢志不二孝養無虧族人

稱之現年五十五歲

余氏賴仰瞻妻三十夫歿家徒四壁日不舉火氏甘貧苦守矢志不移歿時六十九歲守節三十九年

溫氏白茅塘陳興六妻十六于歸期年夫喪無子矢志不移為夫立繼紡績度活艱苦備嘗現年六十歲

黃氏賴程遙妻二十七歲夫死痛欲自殉念有身強起節哀後果生子教養成立宗族稱之現年八十二歲

陳氏賴友篋妻二十三歲夫亡無子以伯兄之子為嗣嗣子夭復立繼孫匪勉從事竭盡勞苦現存六十八歲

童氏雪嶺張必諧妻二十二歲夫亡遺腹一子翁老且病

在家僅擔石氏矢不二侍翁撫孤曲盡其道今七十七歲計孀守五十五年

周氏堂下溫雅意妻二十九歲夫歿家徒四壁遺一孤氏茹荼飲藥以勵操和熊畫荻以教子子克成立歿年四十有八苦節實二十年

賴氏溫家洪妻二十歲夫歿無子矢志貞守養親繼子孝慈兼盡得年五十守節二十九年

陳氏李成章妻十七于歸二十七稱未亡人家故貧姑老穉子方垂髫氏飲冰茹荼以資仰事俯畜歿年五十六歲苦守三十八年

鄧氏鄭楚珍妻二十五歲夫亡時舅柩在堂姑病在簀伶仃一子猶待援攜氏身任艱難益加貞厲計苦節三十四年歿年五十八歲

溫氏鄧英木妻十九歲夫歿勁節貞操為鄉里所重歿年六十守節四十一年

陳氏黃永盛妻夫歿時年二十有四孝奉翁姑嚴課孤子現年六十一歲

溫氏李敬先妻丹溪人二十四歲夫歿親老無子氏清操自守上奉翁姑下立繼嗣現年七十六歲

賴氏董步韓妻二十二歲夫歿無子撫胞弟長子為嗣養

親教子孝慈兼盡現年六十三歲

賴氏廖達銖妻二十九歲夫亡守節撫孤教養成五年五十時族眾贈以清操勁節之額現年五十九歲

古氏廖朝聘妻二十九歲而寡奉翁姑撫孤子清節守貞現年五十九歲

鄧氏堂下溫達珍妻二十七歲夫歿翁老子幼氏苦節自甘孝慈克盡現年五十三歲子為邑諸生

張氏北關監生黃臻五妻二十九歲夫亡苦節守貞奉養始撫孤子現年六十五歲

烈婦

宋

葉氏賴仲元妻宋建炎四年寇作仲元客遊於外時舅姑老不能走避氏扶持在側寇至欲犯之且拒且罵賊怒斷其喉而死禮上里秋溪屋背賴姓是其裔也

通志祠祀

劉氏襄陽帥府法簡陳琚妻琚佐呂文煥守襄陽阿米兵

至文煥以城降琚力爭弗得歸語劉曰吾家世受宋恩

我唯以死殉劉曰事君無二事夫亦無二請先君死語

畢北向再拜抽夫所佩劍自刎死

採宋史

王氏懷仁令陳瓊妻己亥春元兵壓安慶圍懷仁城十有

八日食盡城陷瓊自刎王命婢縱火投烈焰中舉家死

明

賴氏龔朝士妻賊擄其夫翁姑三人昔年賊為牛販士父

辱之至是賣產求贖賊堅不許氏求以身代死賊亦不

許因大罵賊遂俱遇害

通志 祠祀

國朝

賴氏黃士衍妻蓋田人夫婦俱為賊執賊欲犯氏氏給賊

曰何必恁忙自是相隨但懇放吾夫歸賊信而許之氏

密謂夫曰速走計爾到三里路外我當覓死少頃抱四

歲孤沉江而死氏懷有孕三命頓亡

通志 祠祀

賴氏諸生李櫛妻順治己丑為賊所執赴水死

通志 祠祀

陳氏賴德固妻年十八歸賴兩月而寡有遺裔天錫堅節

守孤戊子邑寇有強暴挾娶者死拒得免後被賊獲罵

賊不從為賊殺

通志 祠祀

黃氏陳大治妻己丑避寇在鄉盜賊蜂起邑無寧境氏度

終不可避乃從夫還舊居曰彼有池可死十一月二十

七夜寇至赴水死

通志 祠祀

黃氏賴龍光妻北郭黃去柔女生二子年俱穉見城破攜
子出戶屬家人曰爾為我保此園內付其子遂溺池水

後一子存名勳通志

周氏黃鍾秀妻己丑寇警夫婦僑居何石下壬辰四月劇

寇劉奉搜獲強逼之行周罵不絕口被數刃而死通志

黃氏賴一振妻己丑寇警夫婦俱為賊獲黃給賊曰爾等

欲得金有我在質何不釋吾夫措贖賊信而許之度夫

去遠罵賊後刃通志

賴氏新坊廖應瀨妻廖赤之母青年孀守康熙四十二年

探親獨歸過山壠幽僻處遇樵夫持刃強污之堅不從

被砍傷左右胎膊氏罵如初乃斷其喉已死又剗其腹

事聞康熙四十三年坊表越雍正三年

賜聯草莽全正氣綸闕沛殊恩通志

劉氏秀嶺李登甲妻年二十六丁亥歲值賊首吳擄掠鄉

村劉抱幼子金柏被賊執罵賊不從被數刃而死其姑

吳拚死救孫亦大罵賊賊怒將刃之旁一賊感其烈舍

之去志

賴氏龍岡鄧三台妻歲丁亥與媳龔氏避亂洪石寨寨破

賴曰寧死不受賊污遂投崖自絕志

龔氏龍岡鄧宏哲妻即賴氏之媳姑死賊欲污氏氏誑賊

曰時勢至此吾何辭爾能葬吾姑屍即從爾賊信之葬

姑屍於崖側氏即墜崖死志

謝氏大奮尹北正妻年十八戊子歲值流寇破寨泣告夫曰君今乏嗣亟作生活計毋我顧含淚徑行隕崖而死以絕夫望王

龔氏許坊許崇仁妻戊子歲為賊所執罵不絕口遂被害王

黃氏名晚清堂下温二振妻歲己丑為賊所獲求死不得大罵賊賊貪其艾令左右嚴護之弗令其死取所獲子女不從者決腹解節以懼氏氏瞪目不顧計尋自盡賊以勁木擊其腕又大罵賊賊亦不令之死氏以髮蒙面觸頭血滴地示無回意賊憤恚拔刀劃其面終不令之

死日暮賊抱頭拉他婦而寢氏從小竇出溺舍旁之深渚乃得死黃韶有傳王

熊氏名翠德堂下温朝銳髮妻嫻內則事舅姑以孝稱年二十六值流寇張自盛屠掠隨夫走避城北過鹽沙壠賊執其夫將加之刃氏奔至願罄家貲以贖賊貪其賂置朝銳復逼氏偕行氏堅拒遂被刃死越兩月夫果以重貲贖歸王

許氏大琴陳懷德妻年二十七己丑歲與夫晚食為閩寇擄賊少懈乘間遊桐樹坳賊追至殺其夫又逼氏偕去氏以頭觸石流血濺襟罵賊不絕賊怒被刃死王

陳氏北關黃履謙妻歲己丑寇攻城履謙率妻子走氏抱
彌月子從夫出郭北懼執抱兒赴池水死方賊焰之肆
熾也城中婦女驚駭相告氏默然良久乃曰奴數果遭
男子善自愛告者曰正惟婦人可虞爾不自憂反憂男
子何也氏曰男子愛其身以有為婦人無為不辱此身
焉足矣且夫臨難而免畏死者也苟不畏死刃鋸鼎鑊
得而嘗之直如飴耳侃侃正論旁聽猶疑及聞就溺始
信不辱此身之言蓋定志於先也志王

李氏黃錫寧妻己丑寇攻城出走至鹽沙壠夫婦及子俱
為賊執賊欲犯氏氏給賊曰夫婦母子同行不便懇放
吾夫若子便爾相隨賊信釋其夫而質其子氏密謂夫
曰速逃我定以死報少頃賊輟之偕行且拒且罵沉水
死子被戮志王

曾氏北關黃士琦妻己丑歲寇攻城過寇畏執抱子縣生
同溺死鎮武閣外塘中志王

溫氏長樂陳炎天妻己丑歲寇攻城抱哺兒投鎮武閣塘
內死志王

陳氏北關黃鍾毓妻己丑寇掠遭羅巖寇逼身受數刃而
亡志王

鄧氏大琴邑諸生陳自脩妻年二十二壬辰歲脩被賊獲

鄧潛匿道旁聞賊殺脩奮怒而出罵賊不絕死於刃志

李氏鄧廷富妻歲己丑被寇執至東龍嶺以罵賊死志

劉氏名坤貞大琴陳自慎妻年十九寇至走匿迷途賊追獲之強之行劉曰我良家婦寧死毋我汚賊怒死於刃事在順治壬辰三月十八日志

劉氏大琴陳福安妻結婚已定父母以其夫不貌而貧欲別配劉堅志不從歸陳未幾適順治癸己避難小琴賊破土圍殺安劉不從汚俱被刃志

廖氏名令娘大琴陳福田妻年二十二壬辰歲抱三歲子擄於寇欲汚之不從乃拔刀示欲殺狀氏欣然受刃子

母俱遇害志

周氏亨田黃魁聖妻年二十五避寇洪石砦被獲大叱賊墜出木巖下時有子朝榮在側痛哭不忍去賊義之使收母屍志

收母屍志

鄭氏熊宏德妻年十八夫被寇擄事公姑極盡婦道有勸其改適者婦嚔指流血厲聲以拒曰若良人死有相從地下耳孤守十一年訖聞夫被害自縊而終志

李氏溫掄才妻年二十七生一子夫病將絕婦知萬無生理先夫半刻投繯自縊死翌日二棺並厝石邑僅事志

陳氏北關黃金魁妻年二十二喪夫遺一孤孀氏父母勸

令別事氏不從溺死外家門首魚池志

溫氏柏中里填上龔細雄妻年甚少夫病知不得生覓自

盡鄰姬勸之曰夫死且不能具棺爾又死將若何乃止

迨夫死竭力營葬畢自經死志

許氏秋溪賴慈陽妻年十七慈陽卒許號痛淒切五日不

食死志

張氏范廣仁妻年十七歸范數月夫亡葬夫三日祭墓畢

併留外戚在家沐浴扃戶投環而絕本籍寧化寄居石

城洋地當經合坊呈縣鑿碑誌烈志

劉氏楊谷邑庠潘君聘妻年廿五子四歲戊子寇掠隨夫

奉姑避長溪俱為賊執欲犯之劉給曰釋予家三口即

從爾賊允之度三口去遠劉至渡奮身躍入河賊怒刺

以長矛體無完膚而死志

劉氏聯坊溫君由妻年廿八己丑寇掠城火逼宅氏隨夫

攜子女走避城逼入營氏顧夫曰好看兒女我以死謝

君矣君亟去遂罵賊不絕賊引刀懼之氏色不為動罵

愈厲遂遇害志

江氏煙坊劉角先妻青年夫歿蓬跣哭泣人不忍聞見三

年後竟以哭夫死志

溫氏許坊許崇韜妻年十九夫死無子以姪正宇續夫後

投蓮池死正字子泰清妻賴氏青年夫歿無嗣不食卒
志王

李氏湛溪温應明妻年十八夫暴卒氏投水死葬日兩棺
並舉志王

黃氏熊承聘妻年十八誕一子夫旋歿氏拊棺大慟與死
夫誓曰氏所以不即從夫地下者為數月子也以三年
終制再以三年撫子則子可望成人夫亦瞑目矣忍痛
六載哀毀骨立旦暮祈死妯娌輩力解勸之曰吾不食
言於亡人遂絕飲食而死志王

劉氏秋溪賴克倫妻性貞淑孝事孀姑年廿六夫病篤誓

死同穴比夫亡服毒家人為救甦至營壘立繼日以不

食卒志王

羅氏白茅塘陳濟川妻自幼許配及行聘之日濟川既瞽
目又病癰氏父母不允歸氏曰身既許人奈何以俗情
忘大義及歸未滿月而夫歿氏即投縊家人救之甦姑
再四勸之氏乃隱忍事姑逮後數年氏父母欲奪其志
即服鉛粉自戕其姑覺延醫以藥解之氏於是哀憤成
疾數日不食逾月而歿志王

鍾氏北關黃德祿妻生長富室及歸夫家日益窘迫夫病
氏典賣奩物以供醫藥及夫病篤與之訣曰吾家貧汝

遺腹在身分娩後可磁把以嫁也氏曰有子則苦守撫
養苟有不幸與君同穴矣無恥之行吾不為也後遺腹
生子數月而殤氏即服毒自盡人以為義烈由於天性
云

張氏煙坊劉上騰妻年三十見夫慘斃不忍獨生閉戶自
經事聞撫憲奉批捐軀就義節烈可嘉移明藩憲詳覆
相應隨詳附請

旌表以維風化舊志祠祀

新增

池氏秋溪賴承頊之妻二十四歲喪夫無子貞烈性成非

痛異常夫喪未畢遂殞命明志嘉慶二年

旌表祠祀

吳氏賴宜恒之妻年二十八夫逝觸棺泣血昏絕姑救始
甦氏立志苦守外家憐貧勸其改適遂憤激捐生閉戶
縊死嘉慶七年奉題

旌表祠祀

曾氏賴君輔妻十七于歸越三年夫歿氏日夕哀號聞者
酸鼻經旬有四日治夫喪畢闔戶自縊時嘉慶七年也
謝氏河源溫允光妻十七于歸越一載而夫歿誓以身殉
家人嚴護之決旬護少懈閉戶自經人咸稱其烈

張氏橫江劉同鏗妻鏗病瘵屬纊時語氏曰我家貧鮮兄弟又無遺孤汝年甫二十三當別適毋自苦氏泣然曰吾不即相從地下者以斂具窀穸未辦揣耳部署終喪吾遂志可也鏗沒三年氏不食而卒

貞女

明

柏清陳成貴女為胡姓所聘將歸而胡卒女聞之持刃自刺父母急救得活人間其烈求婚者眾偶孤搏其難阿母逐之女乘間閉戶縊死見省志

國朝

銀姑北關黃士瑚女歲戊子破城之變為邱賊所擄自縊身死起

李 之女高田人年十八賊執不從遂被害起

澄德北關黃翼雲女許配廖國用次男監生廖期恭婚期

將近恭忽從戎廣西女守貞待字父母既卒唯兄嫂是依年踰五十距恭去日既闋三十六年乃語兄嫂曰父母以吾許配於廖今即老死亦當歸廖更得一子以續其後則生平志畢兄如其意告廖族迎歸而以伯兄廖期英次子為期恭後又罄一生紡績數十金為繼嗣完

娶黃軒臣有傳王志

熊氏堂下溫朝銓聘妻年十八未于歸夫死痛哭至夫家送葬畢觸墓石昏絕父母救歸誓不改嫁服喪三年畢堅餓八日死里稱貞姑王志

郁貞黃尚友女年九歲患跛足永夫不字後求婚者眾莫

奪其志終身以女紅度日聞外罕聞其聲年八十餘卒

王志

類傳

一德一善不足以概生平傳之可乎然此已高人一等矣類而傳之見公道在人勉為善者之積小以高大將聞風者亦足以興起也故仍舊志編列之訂舊志

明

陳時周學上人少孤事母正統十三年戊辰寇警奉母逃避為賊執時弟婦曾氏先被賊傷墮溝中又將殺其母時用以身蔽之一賊曰此孝子也遂并釋之志

廖尚字君錫號懋齋迎恩坊人有治劇才以明經歷任至浙江安吉州州同時興獻太后薨詳請守陵世宗嘉其

忠召見問爾家出仕幾人爵對曰伯祖教諭伯父知縣
及臣三代荷受隆恩隨賜勅一道綸音一聯曰三世衣
冠第九重勅命家歸日建坊里門王

黃宏遷北關人仗氣節善屬文值縣試冠軍府復第二郡
中突聞楊椒山以直諫死拂袖曰此豈取功名時耶促
裝歸終身不復應試王

溫朝嶽字湖山羅峯人家世積巨貲敢於任事先是邑有
漕米而水運灘石奇險常壞舟非富戶不能償故例派
九里糧戶充運隆慶丁卯朝嶽運米至大龍灘舟碎輪
家帑以償遂殫力痛陳利害於開府開府咨允卒免輸

米改行折色至今九里便之王

陳尊字露葵號天然邑學生大琴人家貧廉恥自勵硯耕
養志父病衣不解帶者匝年兄三重為福建丁某以命
案誣害被逮尊念兄得官蘇州將蒞任遂代詣庭質繫
汀州獄三載忍饑苦吟指甲長數寸當事憐察其枉請
釋於上復衣巾以歸雨中副車隣邑知名士多出其門
曾孫自開字屬子性孝友能文章亦以扶掖後進為任
謙循雅飭咸稱長者王

溫國信字任我萬歷間任隴西縣縣丞治獄多平反按院
蘇奇其才調署西和令俗悍甚出入佩刀信通歷市鎮

訓以禮讓立賞格責成其父老勤以至誠俗遂易縣民
蕭興漢聚眾寇掠兩拒官兵信單騎諭散又相度地勢
作堰灌田數十處蒞任三載境內廟祀陞江南長淮衛
經歷志

范應燿字聚奎昇平坊人家貧妻蚤喪奉母以居母患足
不能行動每飯自炊進奉床第毋出入則負於背十數
年勞瘁弗懈邑侯馬調鸞表其孝志

溫超宏字際泰石上里聳岡石田人崇禎癸未子劉避寇
閩地被賊執有友人寔信全家亦被執宏辦金往贖時
甯妻以烈死又將刃甯子宏憐惻曰甯氏三世一苗裔

吾不忍令斬也先以贖兒金贖之賊感其義俱釋歸康
熙壬寅歲饑家粟不足贍糶運以繼辛酉水災復賑時
本鄉法華庵圯捐造并勸富人伙助初里中以饑饉倡
興土木笑之後服力者咸有生理人以為惠邑令靳表
其行兩舉賓筵曾孫朝棟字非石父患目且晚紙以舌
扶翼十餘載聰敏能文著家訓十則志

國朝

溫朝縉字公儀堂下人與弟朝絃弱冠為諸生俱以文名
振郡邑自相師友備極怡怡任獲鹿多善政士民戴之
後以差事擾害平民杖斃一差忤上憲譴歸童叟遮道

左哭送狂

尹有仙大奮人已丑寇警母與姪為賊執有仙求戮已以活母姪賊俱釋歸母歿素食終身狂

鄧玖光朝綬瑜光金星琦光金鯨併兄斗光弟璜光以父楚材陷賊奔救泣代一賊僧不許兄弟各受一鎗衆賊義之俱得釋狂

鄧璜光字元玉邑諸生石田人讀書有胆力

國初土寇吳萬虔蹂躪鄉邑璜光以父兄陷賊俱受惡僧慘毒後父兄脫難歸飲恨誓報遇賊交鋒先嗚妻曰我髻髮中有小簪汝謹誌之貢勇深入所向披靡殲仇僧於

葛藤排丁亥衝賊東龍營傷銃歿狂

溫汝兆字文亮湛陂人乙丑寇警父君顯年邁為張自成擄去汝兆賣田辦銀奔贖賊羈留月餘索重贖值賊睡熟負父出逃夜昏黑墮之竹叢有聲賊驚醒追尋以鎗刺竹內汝兆身翼父腿中七傷卒得歸以養終狂

溫先徽字衷一柏中里堂下人喜讀書敦氣節前明鼎革之際棄儒習武寧邑曾長蟠據上寮聚衆為盜每欲乘間寇城徽獨力築土寨於本鄉香爐嶺保障族戚截寇間道一日寇猝至寨乏糧徽出米數百斛給守禦者乃得堅志捍寇保全里民無筭率衆禦寇恒以身先為銃

傷者再四以勇力獲免志

陳超字升卿邑諸生力學好古循謹狷潔邑中諸公務
著作多出其手雖為當事重而自愛風高人方子羽志
陳豈庸長樂人素勇俠已丑張寇襲城由北關入沿途戕
殺衆奔西門門閉衆危甚豈庸奮力以斧斷門鑰復登
城拽起槩板以巨木自城樓板穿孔插下門合扇處以
防衝突男婦得脫者無算俄賊蜂集庸躍城奔志
崔賓臣城內南關人康熙甲寅賈逆寇城官民食盡逃竄
撫軍檄郡鎮劉進寶來察劉駐兵西郊見敗壘空城疑
民變事實寶臣哭陳避賊寶非從賊頭觸地流血鎮感

激令書示招撫丙辰蔡甯合圍鄉勇畢佛黃金璉温赤
肩梁口巨石壓賊寶臣亦全守西關砲及其臂幸不死

志

馬能才城內人有勇力康熙甲寅乙卯間聚鄉勇為前鋒
勦賊多功著縣詳憲獎以匾額後襲寧賊於通天巖為
銃傷足病數載乃愈志

許崇俊字子干許坊人鄉賓具智畧才能禦變甲寅遭閩
寇擾害捐貲集鄉勇團練屢應縣檄衛城署縣李獎以
匾額司馬儲才虔鎮劉題授千總職辟置帳下未赴卒
子庠生正宣兩賑康熙丁丑甲申荒施棺贍渡至老不

倦狂

溫宏名朝紫字繡文堂下人鄉賢祀生丙辰寇警以儲糧策謁署縣李又製連珠火藥法精巧人不勞而守禦備李稱之曰高人妙法性不慕名蕙志以術士諱之孫貴儲幼能懷銘中藥啖父母及祖新婚數日易林侍父病及篤往城市藥值河漲橋圯溺死兩岸哀慟狂

賴應選字振萬秋溪人慷慨好義

初土寇蜂起有表弟為閩賊所執傾六十金贖歸以田抵還堅却不受又從堂弟賴洒然避寇大庾縣應選走數百里繫其舉家十餘口以歸贍養數載為置室產歡聚

始終一致選長子國學名吉傳字帝簡次子文庠名吉儒字履方遭兵燹後吉傳奉父母依龍岡舅氏以孝養稱母歿繼母章誕吉儒方四歲章又歿上順老父下撫孱弟艱辛中備極委折吉儒性仁孝自少能得父歡心稍長以禮事兄如父白首分析後日嘗會食語及老父二母兄弟輒流涕不置儒遵兄命葬父傍又自遺言依父兄以同窀穸可謂生死骨肉矣選孫國學昌育孝友如前範數捐金以濟鄉閭曾孫克安父死廬墓三年邑廉王給匾獎之狂

溫富章字煥伯堂下人秉性淳樸識大義父為賊所執慘

被毒害章傾貲千金號痛贖歸得令終泣血三載置孝
經靈席讀泣相繼日指東誓曰生不能啖賊肉死必禡
賊魂用泥塑賊像朔望以刀斷賊頭復以雞血污其頸
跪而進曰賊已誅大人可無恨大人可無恨生平不出
戶庭間與談書藝能道今古娓娓不休一及世務多為
直率語邑稱懷葛道風志

溫朝陽字子烈堂下人邑增廣生敏達能文屢為學使者
咨賞具幹才事遇疑難輒為解紛寇警後嘗傾貲募無
主者數十餘喪後姪人龍增廣生以孤子奮繼家聲春
和大雅蓄德最厚志

熊尚文字如質進賢坊人值耿党猖獗傾貲竭力倡首修
通天寨為邑保障寇忌擾之寨甫成而家業廢又出金
為梁坊某娶妻延祀并完魏某離婦多陰隲行志

李仲喬石中里人為邑團練康熙乙卯丙辰間每聞城內
告警即統石耳寨鄉勇奔衛屢為署縣李申詳獎賞志

楊生行南豐道中拾遺金三十七兩留寓二日失金者號
至盡舉還之又於客舍燈筒得金十二兩容還與主人
訟生遽出金爭乃解寧都魏祀叙其事府志

許崇泰字次履許坊人父初止生泰童身不育懼絕父祀
貿易僅獲數十金為父置妾誕一弟名崇昌甫脫乳與

妻陳氏竭力撫養延師誨導弟得為名諸生邑侯王錫九獎崇泰曰孝行可嘉王旦獎泰妻曰四德備躬志

黃銳字可恒邑廩生日曦三子博聞強記結納多知名士負智畧敢任重護父於難父得安遺筆誌孝志

黃鐸字大木北閩人廩例讀書能文才敏而辯少孤竭力供母性尤慷慨任俠里有豪傑能為邑除大患者頗肯相助賑荒施藥不倦晚好禪與龍山釋興沛稱道契壽八十督學徐以大公為懷獎之志

劉善兆字小為相中里福村人庠監考授州同己丑歲警力負二母逃匿深山得全其鄉南嶺原立有隘胥吏多

行勒征先是兆之祖每歲代納免督課至善兆乃竭力呈請 上憲罷除行人稱便產頗饒過荒贍賑不忍獨飽當事履其閭志

黃尚達亨田人年十二父被賊執達號泣詣求釋賊挾以刃終不避賊心動乃釋其父父有遺金千餘付達手諸弟不知悉揭藏均分時年七十母年九十達病篤強起笑語相慰至易箒日諄諄以不得終事為恨他弗及志魏松保字景明新田上人兄弟三松保居幼己丑寇警長元被瑞金羅漢嚴賊掠去勒賞贖保挺身入賊巢換兄出辨賞始得俱全柝燹後二兄貧保歲濟以粟及卒教

養諸侄仍以已田授之晚歲而舉賓道廷

張國權字克承荃竹人郡庠探履純篤有至性父年歷八

旬齒落盡不能粒食國權以蛋白和米漿調羹以進深

沐便溺必親自扶持不假童僕夜恒六七起省視歷十

一年如一日父卒哀毀如禮三年不入內寢同懷四怡

怡友愛外親有兄弟訟田歷年不解聞國權一言感而

相讓性敏能文著有方竹錄年久散軼無存書名載贛州府志

賴永元秋溪人邑諸生七歲寇掠入閩年十二始逃歸泣

母與弟俱遭擄因遍尋州邑備歷辛苦至弟贖回而母

耗莫獲又閱歲年乃招魂立墓每掃塋必號泣盡哀事

父與繼母有孝聲學使楊以人倫表範獎之廷

曾維振大猷坪人少失恃事父及繼母委曲得歡心父有

遺金振知其藏不遽白恐兄弟以多金累鬻年盡出分

析好施橋渡錢米邑侯廉其行舉賓道廷

賴鼎字小蘇郡增生秋溪人四歲失恃能事繼母父腰病

癰日以口吸膿得愈晚年恢宏祖業有治劇才廷

溫貴璇字衡也堂下人魁偉有丈夫概敬謹事父父年耆

耄與同寢榻者十餘載溺器躬自浣濯又倡置祭產設

立無祀田全本家某離婦族里推服廷

賴其景字韓孟秋溪人母病害鬼守護四載床第不離母

得無恙族里稱孝志

陳國珮字雲飛陳坊人邑廩生繩趨尺步為諸生四十八

年城市罕覩其面學博劉文選以珮優行聞於學使遂

食餼志

賴有權字巽行秋溪人父患痢嘗其糞苦亟治得愈後復

沾氣病屢昏仆權乃棄學侍養以父性愛山水圖畫為

究心染翰時出新機盡態極妍以娛志二十年不離左

右母病瘋醫者需鹿血和藥同取人往山獵取過虎不

相害人以為誠感志

黃氏譽字異千北關人年十四為諸生有文名累薦棘院

以數奇未偶譽為繼子又撫一繼弟如同產迨父生子

民惟倍加友愛兄弟文章磨切一時花萼芬榮志

鄧鏞字北鎖石田人篤天性事繼母得其歡心比卒是不

入內寢者三年尤篤友誼嘗以多金完從弟家室志

陳為鼎字九和陳坊人事繼母有孝聲持家能遵朱子格

言綱常凜凜人莫敢犯邑令郭嘉其誠至獎以三代直

民後舉賓筵志

溫廷輔字弼居聯坊人樸實不事雕琢好濟人急康熙丁

丑歲大饑賑穀數百戶建橋造亭施棺給藥鄉里賴之

志

楊繼登字羽先禮上里秋溪人力田孝養年十九父為賊擄繼登奔營哭救願身代肩受一刀旁一賊義之父子俱得釋堂兄繼仰艱嗣連喪二妻鬻產為兄再娶終以無子死贍養嫂氏內外雍肅又合葬其夫婦祭葬如禮又堂兄繼化早卒諸姪貧之撫猶已子悉成立撥已田二十石歲祀遠祖現今生息置產百有餘畝遺命父塚在閩令附葬墓側以妥先靈善績彰著遠邇志

熊恬字引又進賢坊人廩生性豁達安貧嗜學補弟子員日與族之琦同為使院衛文張匠門所識拔試藝傳播士林恬素篤友誼表裏洞然歡愛如骨肉教人琢磨誠

切邑名宿多出其門志

鄧鍾嶠字伯高石田人端慤謹飭事母盡養愛弟以和遇鄉人紛爭雅善排解性好舉業雖髦年手一編下帷攻苦不輟誨二子列膠庠人以為嗜學之報志

溫其傳字六書聯坊庠貢謙謹醇樸讀書能文父永順以明經得授永寧教諭抵任後忽瘋病大作遂以病歸舟行若搖蕩傳懸棒雙足不懈母患喘竟久不就枕傳日夜侍床側母憫而呵之去卒不忍去後果得勞疾居心仁厚好推解康熙甲午歲及乾隆壬戌歲飢捐米買谷平糴以賑生平創橋給藥不可殫述志

鄧鍾嶽字子涉石田人昆季七人嶽居長見家口日衆慨然曰古者孝秀出自力田毋視為不屑務遂經營耕種以贍其家之讀書者老年喜談史傳公正端直為鄉里倚賴舉賓筵廷

何應崙字魁山監生剛正豪俠閩地某應童子試連拔文武二場忌者攻以異籍崙仗義捐貲代白其事得成名又延師誨子姪其師未娶解橐金為聘婦義聲者遠通

廷

許從攻豐山人父病鬱氣八年旦夕撫摩痰吐必為手引父歿三年不入內寢遇疾風迅雷繞棺哀慙母病瘋搗

抱十載庶母病疫獨留奉藥不避以肥田讓兄弟四弟早夭遺孤三歲畢力婚教廷

鄧維洵字小眉龍岡人父早喪力撫諸弟比長均其產性剛直能以理屈服人里有言訟者多藉之息爭廷

廖日教字希音小松人七歲孤母陳氏哭夫喪明教服侍不離左右或過他忿聞母聲輒霽顏母患瘋攣飲膳悉教夫婦匙進撫摩八載母情容母卒教年近七十哀慟幾滅性奉牌入祠日有群鴉數十噪其廬人以為孝感先是康熙間為母節力請旌表不獲常懷於悒生平尚捐節好古學與黃立堂有贈答之雅著率真集數卷散

軼無存註

李金美秀嶺人孝友夙成年十四父為滇逆韓大任所獲奔壘就救得脫事繼母撫同氣見稱族党凡創祭建祠舉以身倡而善則歸父人服其孝思註

賴有吳字冠南秋溪人邑增生性和煦有孝友聲幼事繼母竭力承歡母亦視如己出色侯趙以其事詳請開府匾獎孝本性成生母有奩田若干分爨日父命歸有吳委曲推讓究與異母弟均分讀書能解樂趣築館室後嘯咏自如舉業外旁及詩古多為識者咨賞其子應龐亦能孝養父母死皆廬墓終制有司兩舉優行人以為

有吳有子

訂王
志

陳益新字滌非號體存大琴人庠貢靜穆淵雅具至性事親委曲承權即一卮匱間不敢造次必視顏色所欲以進父病卧床第撫摩侍藥三年不解衣痊後始就外館晚歲閉戶讀古治家以禮庭堦秩然好獎掖後進周貧濟乏有古善士風註

潘期佐字匡廷陽谷人幼失怙事母以孝性至淡不屑世榮惟以詩禮訓子鄉里有事排難解紛遇歉解衣推食邑有浮糧二石許令勸分受佐悉受之令大喜旋散載田畝中至今遺租糧最重令舉賓註

訂舊
志

石城縣志 卷二
廖光蘭小松人事父母承顏順旨待兄弟以友恭分產能讓不私已財鄉邑稱之聞於當事邀匾獎焉志

鄭志青井溪人名邦觀監生性孝友父患痿三年不離床蓆志青旦夕侍奉不敢稍離母病衣不解帶者數月一日偶出延醫間居宅失火志青疾走從烈焰中抱母而出頭面焦爛幾斃而甦越數日母疾頓愈人以為孝感云舊志

陳慶懷字邦榮陳坊人性慈惠與鄉里處和顏霽色藹然可親好行善事不吝施予乾隆三十九年五月水暴漲淹鄉村慶懷募舟救人殮以飯易以衣水退而歸資以

薪米里人感之以其事聞之官請匾額慶懷辭焉 邑侯孫以義讓可風獎之舊志

賴炎字驥程邑庠生舉正賓禮上里烏石下人母先逝事父及祖母能承其志待諸弟友愛擴蒸嘗嚴庭訓兢兢勿懈男元儒國學生善屬文能繼述撫孤恤寡美行足稱舊志

廖榮嶽國學生光斌之子性篤友于繼父志自創田業與弟均分毫無私吞邑侯楊以令德揚芬獎之舊志

熊立慶字士求柏中里黃柏嶺人天性純厚能曲體親志勤耕苦積所置田產與兄弟均分毫無私吞鄉族咸稱

羨馬志

賴世佐字廷輔石中里下羅園人監生職授州同善事父母友愛兄弟煎茶解行路之渴建祠妥先人之靈善行彰彰厚相稱道志

黃大柱字鼎一城內東門人孝養父母友愛兄弟讓產分財鄉里稱道志

陳大猷字仰員監生長上里長樂人孝事父母友愛兄弟初攻舉子業躋於試棄而業醫以濟人為懷貧而求者不計利人感其德志

潘瓏字奕亭職授從九品楊谷人品行端方事節母楊妻

由承歡克盡子道於族鄰中謙恭自遜咸推重焉志

賴世佑字弼恒石中里下羅園人事親與兄以孝恭著性豪邁濟人危困貲財不稍吝傾意結納賢豪爭識之其設橋修道行人尤感德焉志

賴德憲字蒼烈石中里竹山下人居家孝弟鄉族間有疑難事極意排解或更出貲安息之里人欽其行誼贈以古道照人之額志

廖履謙豐上里新坊人剛勇有胆力嫻習武技

初流寇蹂躪鄉村履謙出貲連集鄰鄉捍禦保固地方得以安寧邑侯董匾獎之志

賴德松字廷欽石中里下羅園人事親克盡子職後事繼母亦如生母撫異母弟友愛備至弟亦克恭厥兄焉志

賴德隆字過波石中里下羅園人賦性孝友於親前怡色相承撫弟五人無不鬩髮精形家術勢利者要之從不輕允其廉介有如此志

吳允中字惟一監生禮上里宰下人事親得歡心胞弟無嗣以己子嗣之乾隆戊戌歲饑捐穀以賑里隣志

吳大彬字文質禮上里宰下人千總舉鄉賓事父母盡孝待昆季無忤色於祖宗祭業悉力擴充之族人欽服歎

原籍福建僑居本邑具呈入志
邑侯批准發局遵批載之舊志

羅明章羅士章羅亮先金錢坑人張次賢朱坑人於乾隆十七年穀價騰貴時減價平糶乾隆二十九年復減價平糶鄉人感之志

賴吉文字虞田岸生禮上里秋溪人性友愛昆弟至老無間言善啓迪生徒成名者甚眾志

黃世治字平字北關監生性剛直不苟事親則和悅雍容善體意旨待諸弟友愛真切撫姪如己子教養婚娶力肩其任族鄰賢之志

龔緝熙字永渠增生石中里人三歲失怙事母盡孝有從兄艱嗣息兩失耦為之三娶未育又為之娶妾門內孝

石城縣志
卷六 人物志
類傳
三

恭感動里鄰志
賴有稔字谷先秋溪人幼失恃哀痛盡禮比長父卧病典產延醫疾必親嘗臧淡以告醫者待三弟以友愛于族里則施棺木排紛難濟貧乏人皆德之當事廉其善舉賓筵志

魏永午字文聚龍上里人事親能盡子職於鄉里救急周貧建橋修路解囊不吝志

黃文勝字賢珍龍上里藪墩人九齡時隨父貿易閩省適土寇擾攘父被執文勝入寇中願以身代寇憐之父子俱全歸志

賴德迎字達三下羅圍人事親孝待諸姪友愛鄉里有雀角排解冰釋人咸服其公正志

楊宏寬字勝喬郭北人孝友性生家貧汗力奉養父母怡色承歡克盡子道兄早逝撫孤姪尤加意教養婚娶悉為已任念祠宇為先人靈爽所棲竭力修整之祀田為春秋祭掃之資經營擴充之他如扶危濟急好善樂施鄉族咸德之贈以匾邑侯楊三舉賓筵志

黃恕字小溱庠生迎恩坊人新之子新兄弟皆以詩古名恕繼之善啓牖後學廣昌賴晉同邑陳為光黃鶴實諸髦士皆出其門族人從學者貧則不受修脯言行見重

石城縣志
鄰邑舉正賓志

賴昌煜字亮儒歲貢生秋溪人吉訓子早孤力學屢試第一善事節母念伯母黃氏孀鄧氏陳氏皆青年苦節事之如母訓其弟成名接物以和然矜尚不苟對之者咸起敬志

陳慶槐字祐植國學生陳坊人國圓次子繼胞伯郡庠生時雍為嗣母性嚴曲盡孝養母老病坐垂堂瓦桷忍解槐急以身護背盡流血母得免母苦節請旌建坊兄不事生產外出不歸槐事嫂撫姪如未分析時姪無子遺命繼以孫命六子七股分田產以績兄祀性剛直不侮

不畏訓子嘉猷增貢生師范邑庠生人以為孝友剛直之報訂舊志

新增

潘泰宏字廓如龍上里場谷人生平多隱德其堂姪孝廉國逢述其還金事曰君昔商汀州邸中拾金四十兩候其人果泣至曰吾當產以有之今失去命不保矣君驗實悉還之其人分半以謝無所受是時君方貧而不念人之有以全人之生真所謂積德以遺孫子者乎因以還金德厚四字跋而額其廬

許政預字春趣豐上里耽溪人性豁達樂善好施後裔恪

守家風凡邑中修學校建書院助膏火修縣志悉體先
人遺意捐資助租以數十百兩計屢勦盛舉邑中推重
查觀察以好義崇文獎之

許邦志字思梅豐上里鮑溪人忠厚治家隆師重道稱舉
一時凡誼關學校事係宗祠無鉅細悉解囊勿吝邑令
董應譽廉其行舉賓筵

劉邦金禮上里長富頭人家故貧食力養親勉為兩弟婚
娶晚年尤好施予凡里中橋梁道路輒解囊修葺一時
稱長者焉

曾琇字孟淑增貢生龍上里大猷坪人性廉潔敦孝友承
先誨後周急濟貧鄉里避之寧化翰詹雷翠亭先生高
其行擬贈額以介壽固辭弗受其不務聲華率類此
賴運瀾字震川國學生長溪人少失怙事母孝至老勿衰
有弟早逝遺孤纔數月撫養無異己子生平慎言動嘉
周郵尤好讀書治經史百家務求闡奧子孫守其訓皆
學有淵源

伊廷瑞字富園監生賴木坑人二親皆高年廷瑞侍奉不
倦終身如一日性好善贍荒惠藥平治險道人尤德之
溫福才堂下人幼苦貧負薪易米以養親比長薄有贏餘
施茶中衢力行陰隲終身弗替鄉里有不相能者為之

解紛人亦悅服

黃召良北關人少孤母賴氏病危貧不能延醫刲股以進
母病旋愈愚孝出于至誠足以風世

旌善

劉璧田中里福村人立心慈惻狀如處子里人稱為寶觀
音屢經上憲獎賞

廖景琢嘉靖十二年邑令趙墳申詳撫憲王行縣給匾獎
善

陳成務萬曆十五年按憲朱批入旌善亭

劉漸相中里福村人萬曆十五年按憲朱批入旌善亭

陳績石上里大琴人生員萬曆中屢經憲使獎賞

陳正修號居恒崇禎辛巳年邑令周東興申詳上憲批縣
給匾以德星再見復與賓筵

廖登緯小松人崇禎年間臬憲葉批縣製匾獎善
陳期祥順治九年邑令董據公呈報上憲

已上郭志善人

溫永欽坊郭里人

李彥諄東龍人

以上成化十七年輸穀五百五十五石備賑例授七

品散官

黃正鑑坊郭里人

黃漢清坊郭里人

溫卓所坊郭里人

黃思政坊郭里人

黃紹宗坊郭里人

徐尚明坊郭里人

胡日王坊郭里人

賴叔寶石中里人

溫立莊長上里

廖叔英小松人

李彥謨東龍人

溫積興石上里人

劉萬端柏中里福村人

陳丕烈石上里大琴人

劉萬英柏中里人

賴仲忠龍上里人

曾必昌龍上里人

賴伯倫龍上里人

賴彥忠禮上里人

賴子澄禮上里人

賴公振禮上里人

已上成化二十二年捐銀五十兩備賑例授冠帶

陳惟恭石上里大琴人成化間賑穀一千石例授七品散

官

黃正瓘坊郭里人

黃濟清坊郭里人

徐尚倫坊郭里人

溫 吳坊郭里人

溫永鑑坊郭里人

賴宗貫坊郭里人

黃河清坊郭里人

李春岳東龍人

陳丕卓石上里大琴人

羅丕賢豐上里人

陳宗政石中里人

陳宗謨石中里人

鄧曰正龍上里人

鄧曰珪龍上里人

已上宏治間輸穀二百四十石備賑例授冠帶

黃紹儀坊郭里人

溫韞玉坊郭里人

廖君明坊郭里人

黃用錫坊郭里人

黃紹偉坊郭里人

劉君和柏中里福村人

鄭立拱石上里人

賴孔正禮上里人

賴潤玉禮上里人

賴英瑞禮上里人

賴英俊禮上里人

陳元正石上里大琴人

已上正德間輸穀備賑例授冠帶其石數失攷

溫體輔坊郭里人

熊應鳳坊郭里人

黃邦安坊郭里人

陳成道坊郭里人

廖舜華坊郭里人

廖安斌坊郭里人

黃邦遠坊郭里人

黃廷啓坊郭里人

石城縣志

熊汝魁坊郭里人

溫體泰坊郭里人

李英越東龍人

黃國本坊郭里人

龔朝遜石中里人

陳在相石中里人

溫 萱柏中里人

賴英耀禮上里人

曾秀爵龍上里人

鄭居宵石上里人

已上嘉靖以後輸穀備賑例授冠帶其石數失攷

陳元福石上里大琴人助銀一百三十兩

陳德潤石上里大琴人助銀五十兩

黃宜選助銀五十兩

按正德十一年寇警而城北於水上下交恐元福德潤

宜選三人首倡助銀修補於是竟日夜力朝成城而寇

夕至矣合邑慶幸邑令錢申詳南贛撫憲陳公恪批縣

給匾表門其餘或助十兩五兩三兩者約二百人俱縣

給花紅獎賞勒碑題名於東門內因萬曆二十六年城

中火此碑燬郭志

陳明曦字光字長樂人正德十一年修城助穀數百石以

食應役者邑令錢季玉為舉賓筵

黃邦安國學黃軫於嘉靖辛酉壬戌連年寇至城上兵竟

日夜邏守二人每於四更時分備茶粥酒餉以餉守城

士卒

石城縣志 卷六 人物志 旌善
陳成道成佩坊郭里人城內學宮缺一隅兄弟共捐私地
以湊造給價辭不受邑侯鄧申詳上憲奉賜聯曰宋代
勲臣第當朝義士家

陳在頤石中里人萬曆庚寅捐大木助修贛州府學郡守
黃克纘給匾表門

宦紳熊兆泰坊郭里人天啓元年捐穀賑飢明年邑令何
承光奉南贛撫憲唐製匾表門

宦紳溫春魁崇禎五年寇警捐銀五百兩募兵守城邑令
馬調鸞奉撫憲鮮臬憲劉府憲潘匾獎崇禎九年賑谷
千石飢民全活甚衆

國

朝順治三年連歲荒歉疊行賑恤

祀鄉賢

尹正石中里人兵部劄授鎮撫崇禎初寇警正領兵不時
訓練良費心力常捐私錢以濟兵貧乏者

許紹石上里豐山人崇禎九年捐銀一百餘兩賑其合鄉
之饑十二年郡守劉察給匾獎門

熊邦治邦榮崇禎丙子歲飢有司給銀百兩發糴賑濟治
榮兄弟自捐已貲往寧都買谷四百石舟運接濟饑人
得活邑令徐九行高其義匾獎之

熊時佐熊承業進賢坊人助南關內儒學西廡牆脚地基
前至官街後至殿右牆轉角勒有碑在本牆內

國朝

郭定仁石中里人康熙十五年寇警傾貲備米供應鄉勇守禦石耳寨併衛邑城署縣李德明詳報上憲獎勵弟郭定國字倫則應廣西將軍傅宏烈檄出貲募兵數百名沿途供贍至軍前効用授守備職以病補國子監生賴最字我惟秋溪人監生康熙丁丑年饑賑本村谷一百石

賴昌侯字作屏長溪人監生康熙丁丑年賑本村谷三百石邑侯萬區獎之

黃壁藏北關人康熙丁丑年賑穀一百二石邑侯萬區獎

之

劉邦寬字敬敷乾隆七年捐社谷五十石社倉三間於橫岡墟又捐銀三十兩以作本村宣講

聖諭獎賞之費俱奉府憲汪區獎

乾隆九年甲子春夏之交雨澤愆期艱於播種城鄉谷石騰貴一日疊增數價至四月盡斗米二百文邑侯王發倉平糶外又勸諭有力之家減價接濟志館首事等酌以舊邑志賑恤例并倣現議助修城志銀五十兩以上者俱得登名入志城鄉遍張勸帖一時好義之士或傾已貲走本郡及鄰境買米減價接賑或出祖父祭產

贏餘以贍本族馴至新收邑無菜色斯亦救荒之一策
抑亦賢士夫之誼關桑梓厥功不可泯也錄名以勵後
黃先履字熊渭北關人監生倡首賑穀八十六石奉府憲
汪匾獎男例貢世第倡首賑谷一百三十石奉撫院陳
匾獎

黃 中字丹崖北關人邑廩生倡首賑谷八十六石奉府
憲汪匾獎弟監生先嶧奉撫院陳匾獎

范兆舉字涓凝昇平坊人例貢倡首賑谷八十六石奉府
憲汪匾獎

陳友德大琴人鄉賓賑米三十石

陳德行字竹泉大琴人庠生賑米二十五石

陳自守字慎三大琴人賑米三十石

陳自攀字公俊大琴人鄉賓賑米四十石

陳自學字效先大琴人郡增生賑米三十石

廖元樑字子萬新坊人例監賑本村穀二百石

賴顯林字會材長溪人例貢賑本村穀三百石邑侯王匾

獎

鄧 瀧字文川石田人例貢賑本村穀三百石藩憲彭匾

獎

溫 崇字忻士石田人例貢賑本村穀一百石巡憲朱匾

獎

鄧林翹字楚材石田人邑紳賑本村谷一百石

鄧瀾字觀亭石田人邑官賑本村谷六十石

溫維善石田人賑本村谷五十石

溫仲禮石田人賑本村谷六十石

賴昌維秋溪人監生賑本村谷八十九石

陳國琮字奇玉陳坊人鄉賓賑米二十石

賴應薦字穎千秋溪人庠貢賑米二十五石

賴昌綱昌統秋溪人賑本村穀八十石

賴宗祐秋溪人賑本村米二百一十八石

楊承露字國珍秋溪人賑本村谷七十三石

乾隆八年癸亥春二月邑侯王以城垣河塹週遭水圯

歷任經報未修春濤秋漲日劇月削居民難以奠安又

邑志修自順治戊戌厥後紀載闕如二者工浩費繁力

難獨任因倡率勸助呈請修理時合邑士庶爭相慕義

有捐二百兩者一十三人捐百兩者一人倡首輸捐五

十兩者十二人繼捐五十兩者五十九人踴躍急公爰

徵好善之誠所宜表而出之者也餘自三十兩以下勒

諸石

輸助二百金

石城縣志 卷六 人物志 旌善
賴源重字遠翁秋溪人邑宦

黃志堅字堅廷北關人

黃 暉字友玉北關人

黃 昭字友菊北關人邑宦

熊尚進字從先進賢坊人鄉賓

黃先履字熊渭北關人監生

熊宏德字宣如進賢坊人鄉賓 贈修職郎

劉邦寅字立人煙坊人監生鄉賓

賴 最字我惟秋溪人監生

溫貴稷字宜尊堂下人

熊瑞德字輯五進賢坊人

李顯生字茂尚丹溪人

謝恩科字卓元大牛嶺人鄉賓已上十三人詳公義冊祀公義祠

輸助一百金

陳益新字滌非大琴人庠貢詳類傳

倡首輸助五十金

熊承元字魁三城內進賢坊人例貢職授州同詳公義冊

溫拔錦字伯美石田人鄉賓

黃桂芳字弼予北關人監生

范兆崇字渭凝城內昇平坊人例貢

何忠寅字歲元何石下人

溫家瑤字西池堂下人監生

溫舉賢字奉仁石田人

陳世芹字言採白茅塘人庠生鄉賓

黃承掄字彥升北關人歲貢

鄧永景字日彩龍岡人監生

陳嘉謀字蓋臣大琴人廩生載孝子

陳國琮字奇玉陳坊人鄉賓詳公義冊

翰助五十金

黃民權字陶斯北關人庠生鄉賓載儒行祀公義祠

溫承順字健佐聯坊人邑宦

黃先孚字咸一北關人庠貢

熊先朕字洪波進賢坊人例貢

陳自守字慎三大琴人鄉賓

鄧鍾岩字堯山石田人庠生

鄧鍾堯字魯山石田人

鄧瀾字觀亭石田人邑宦

鄧瀧字文川石田人例貢

何吉所何石下人鄉賓詳公義冊

廖漢宏新坊人鄉賓

石城縣志
陳生樟字仲英大琴人鄉賓

陳景賢陳坊人鄉賓

陳廷義字心田陳坊人鄉賓

劉邦寬字敬敷煙坊人詳公義冊

劉玉柱字琳友廟山下人監生

黃士珍北關人

周 銘字東松號定能漢臯埧人鄉賓

許志順許坊人邑宦

許定邦字乾行桐江人監生

李天樑字克任丹溪人庠貢

黃憲標亭田人

曾子成大猷坪人

曾維振大猷坪人載類傳

曾 琇字孟叔大猷坪人庠貢

姜君恕字公諒筭溪人監生詳友恭

姜 隣字景行筭溪人庠生

姜大傳字樂旋筭溪人監生職授州同詳孝子

吳允中字惟一宰下人監生詳類傳

陳明蟻字光字長樂人鄉賓

溫其佩字穎資聯坊人庠貢

鄧克用字龍軒龍岡人鄉賓

熊得仁上柏昌人鄉賓

鄭日新井溪人

周日千興隆街人鄉賓

賴思孟字南山洋地人

陳志遠號雙峯學上人贈承德郎

黃鐸字天木北關人庠監載類傳

張其昌禮上里鄉賓

黃雲莊進賢坊人

廖元樑字于萬新坊人監生職授州同

黃朝印字斗如亭田人

張彥昇字永平篁竹村人鄉賓

溫其傳字六書聯坊人庠貢

楊淑萬字梅菴迎恩坊人宦裔廩生

劉邦雪字友梅煙坊人監生鄉賓

賴顯林字會材長溪人例貢詳公義冊

溫才俊北關忠節坊人

李尚志秀嶺人

黃世位字天序北關人監生

羅世傑字伍茂禮上里賴屋排人鄉賓

潘國配字景武陽谷人監生

潘太濟字汝楫陽谷人鄉賓

鄧乾字成六龍岡人監生

高遠春字梅先禮上里爛泥坑人

何萬發池家坳人

賴宗祐秋溪人

潘君聘字公任陽谷人邑庠生

賴昌維字方隅秋溪人監生詳孝子

城工起於乾隆八年八月初六告竣於乾隆九年九月二十二日捐修倒塌城牆長一百零五丈高共二十六

丈方圓共一百七十六丈八尺五寸馬道共長十丈零

六尺五寸修抵開裂城縫共高一十六丈又挖修城脚

共長九十一丈深入地中及橫濶各六七尺不等新修

城樓四座添造警舖三座又砌結河塢及濠塢并填北

關隘前官地共長一百九十八丈

河塢於十年十一月初八日竣上

又填補清源廟前龍肝官地左至小澗新砌石堤右至民

田共橫濶二十六丈五尺斯役也勤勞經畫悉稟憲裁

鼓舞奔趨並資羣力績既觀成名宜登志維時主修邑

令王士傑協修原任司諭姚諱芹督工巡司任允昌捕

廳張廷輝總理城工生員黃廷正監生許鴻溫必榮貢

生陳為龍總理銀錢生員熊踰監生溫瀆贊畫舉人溫
輔衮貢生熊承元許琮生員陳同倫黃之佐黃明監生
黃崇熹勸輸樂助併督理城工首事進士黃軒臣舉人
鄧穎李品姜龍光黃攀貢生陳益新陳慶禧鄧瀧范兆
舉熊承啓黃世第陳宏道劉家文溫崇溫雅頌生員賴
有吳陳世芹李大傳溫洪濤陳國顯熊文夢周廷才能
師望賴應薦許元翰陳應麟監生黃雙珠賴登俊陳綱
黃先唐黃國永黃喬憲溫需熊達緒許明璉黃用黃涸
黃世笙朱文統黃文煥曾儀鳳賴麟許泰岐張正朗鄧
珍何君注賴永明劉德煜溫用謨謝錫惠社長劉邦寬

志王

工房溫文捷 公差黃俞李英

邑於乾隆二十九年甲申山水暴漲衝決城垣河塢二
百餘丈次年邑侯徐倡率修砌時有陳二八黃世第熊
承元黃世仁等一十七人各捐銀二百兩助役而城垣
河塢復整西北城樓並煥併添設清源廟滾水壩龍頸
上大江小港圩堤二處較乾隆甲子之役費半工倍至
今稱之雖首士之公慎實捐助之力也工成大憲以功
永桑梓匾獎之乾隆甲午城復坍塌數處邑侯楊倡率
修砌邑人溫家學何吉所等六人各捐銀二百兩助役

石城縣志 卷六
工成大憲以好義可嘉匾獎之邑人叠援舊例以酬其
尚義今

上乾隆四十五年重修邑志建造書院我楊侯捐俸倡之而
黃志堅等各捐銀二百兩首其事於是二事並舉踰年
觀成迺復有捐租以為書院膏火者計其租至二十五
石亦捐銀二百兩之數也公議皆祀之於書院故自陳
二八起並著於冊者三十七人其不及二百金者并載
志以為來茲勸舊志

輸助二百金

陳二八字彥升陳坊人邑宦

黃世第字步梁北關人例貢

熊承元字魁三進賢坊人例貢職授州同

黃世仁字勉士北關人監生鄉賓

溫必榮字儲先聳岡人監生

熊恒德字順從進賢坊人

熊承中字友和進賢坊人監生鄉賓

賴顯林字會材長溪人例貢

范濟和字仲儒昇平坊人

陳國琮字奇玉陳坊人鄉賓

孔興茂字提文均背人

陳聖琮字象坤白茅塘人監生

廖啓運字勝萬新坊人監生鄉賓

賴應麟字聖北秋溪人監生

劉邦寬字敬敷煙坊人

陳世案字恒錫白茅塘人

周健從字循英郭北人

溫家學字師勝堂下人監生

陳世在字松輝長樂人邑宦

溫家桂字丹植堂下人例貢

黃承英字聲遠北關人監生

溫臣瓊字維翰坑背人

陳正龍字烈明祠堂人監生

已上二十三
人公義祠

黃志堅字堅廷北關人文學

溫 訓字衡齋邑宦

熊五郎字大理進賢坊人文學

熊孫韻字協圓上柏昌人監生

熊孫恬字姿靜上柏昌人監生

羅一湛字雲生金錢坑人

苗肇唐字宗炎北關人監生

溫家學字師勝堂下人監生

石城縣志
何吉所何石下人鄉賓

劉邦貴字景良石澗人

龔建智字能才陳坊人

溫雅瑛字常脩堂下人鄉賓

黃勝字子行北關人廩例

黃士璧字玉輝北關人職授千總已上十四人詳公義冊祀書院

輸助八十金

鄭日新石上里井溪人

輸助六十金

劉甘郎禮上里煙坊人

輸助五十八金

賴顯林字會材長溪人例貢

輸助五十金

黃子端坊郭里北關人

黃子陵坊郭里北關人

許政預豐上里耽溪人

鄧瀾字觀亭石田人邑宦

陳世正字松輝長樂人邑宦

賴尚忠龍上里長溪人

何萬發石上里池溪人

陳進茂石中里羅溪人

許志順字理順許坊人邑宦

溫前山柏中里堂下人

劉明德柏中里福村人

溫名俊字彥廷堂下人監生鄉賓

張永盛禮上里竹馬寮人

賴克信字友孚秋溪人例貢

鄧國楷字元模石田人

曾德明柏中里上坪人

輸助三十金

陳二八字彥升陳坊人邑宦

陳國璠字奇玉陳坊人鄉賓

李天樑字克任丹溪人庠貢

吳永二圖七甲人

賴長遠禮上里陶株坑人

黃用敏字成江北關人鄉賓

周日千郭北興隆街人鄉賓

曾子成龍上里大猷坪人

廖宗渭字青洲大溪頭人

曾永柏字殷木龍頸上人監生

陳世榮字恒錫白茅塘人

黃承英字聲遠北關人監生

陳宏經字常五白茅塘人監生

潘期佐字匡廷場谷人鄉賓

潘國珩字楚璧場谷人監生

李振宗南關仙源坊人

熊壽高坊郭里進賢坊人

熊恒德字順從進賢坊人

熊承元字魁三進賢坊人例貢職授州同

熊先瀨字東涯進賢坊人邑宦

鄧波縈字迴川石田人例貢

黃景信龍上里亭田人

賴景深長上里小粥人

賴吉升字蒼儲秋溪人例貢

潘佑煌龍上里場谷人

廖原祿豐上里小松人

鄧剛字德祥龍岡人庠生

熊為梅字圭田上柏昌人監生職授州同

張盛宗長上里人

黃子明龍上里藍田人

廖 廣豐上里新坊人

陳志遠坊郭里學上人

范 鴻監生東勝坊人助北關外書院照壁前出路地基

橫一丈二尺直七丈又助銀一十兩

黃承遇寨背人助北關外書院上棟東邊地基直七尺橫

二丈作樂助五十兩

建書院以育人材一邑美舉踴躍捐助固徵好善之懷

然經營區畫勸輸監督兩載功勞諸首事之功亦不可

泯歟籌畫舉人截選知縣黃鶴雲原任濰縣縣丞陳世

正原任浦城縣巡檢黃德昌拔貢生黃鳳雲監生溫儒

培總理監生鄧攀元溫雅瑗生員吳廷颺督工監生巫

成柏黃德坤勸輸樂助職授州同熊先瀾貢生黃希喆

溫呈瑞溫廷勳生員崔以任陳煥新陳玉輝許鳴皋黃

應春黃召相賴應龐鄧逢泰熊兆蘭熊廷揚監生溫煥

文潘運忭生員溫大觀貢生職授州同鄧國斌監生溫

儀鳳

乾隆五十六年辛亥洪水冲塌城垣邑令嚴儀勸輸修

築得八人每各捐銀二百兩

監賴成儒

監溫雅韶

生賴何忠格

監賴富本

鄧源

善黃金嫩

李振宗

王世美詳報大憲獎以亟公尚

義匾額祀公義祠增新

嘉慶五年庚申七月洪水冲塌城垣城樓河場邑令李
大謨勸捐修築得三十人每各捐銀二百兩

監李畿九 監李岳俊 監黃鳳軒 貢熊衍瀾 貢熊

躍潛 監熊圭田 監陳乃才 增鄭耀堂 文溫敬安

監溫錫如 職黃鏡堂 監溫淡常 監陳素元 監李

周天 貢黃日新 監溫韻昭 貢陳貴達 羅貴祥

鄉張用廷 貢溫可居 黃摺垂 賴自天 賴滋竹

黃英甫 吳益萬 鄒奇英 監曾雅賓 熊叔扶 溫

嘉謨 鄧 洪詳報大憲獎以尚義可風匾額祀公義祠

嘉慶十四年己巳邑令李成蹊勸捐琴江書院膏火田
租自二十五石以上准作銀二百兩有十六人

邑庠北闕黃子端 助租五百七十九石零九升作銀

郡庠許于千 助租四百五十四石六錢五分

儒士溫淑源 助租四百零一兩八錢四分

虔化知縣溫衡齋 助租三百一十五石四斗五升

監生黃承英 助租三百四十兩

職監熊先瀾 助租三百四十兩

監生陳貴興 助租三百四十兩

邑庠熊五郎 助租三百四十四兩零五分二升二合作

鄉賓劉明德助租三十石零三斗五升

貢生陳二八助租二百四十石

儒士潘東塘助租二百四十石

儒士劉伯禮助租二百四十石

鄉賓賴景深助租二百三十九石八斗六分八厘

監生賴萬懷助租二百五十石

儒士鄭日新助租二百零二石

儒士何承欽助租二百零二石

按賴景深以上撫憲獎立義興文賴萬懷鄭日新何承欽藩憲獎丕振文風但鄭何原助租二十石未足二百

兩故不與賴萬懷並祀書院今嗣孫因藩憲有獎增租足數後經縣憲批准均祀書院

附載勸捐書院膏火首士在城監生黃永謀監生熊涓

濱貢生温大鵬附貢黃德穎廩生李藻生員熊華榜生

員黃林榮石中里廩生陳森生員李茂文監生李象輪

龍上里監生廖序賓廩生潘祥光生員曾勉廷監生黃

勵軒監生黃耀寰禮上里附貢黃永初生員陳靜淵生

員賴聖扶生員姜聖傳生員劉明遠生員羅瑞五生員

魏宏才生員劉馥香一圖長上二里舉人李文錦恩貢

劉儒生員吳中秀監生何達軒監生張明才柏中里歲

貢劉春魁貢生溫序魁生員熊方升廩生張航生員溫
儲莊豐上里歲貢許瓊職員李益夫貢生廖體坤石上
里生員鄭樂成廩生廖應期生員鄧寅賓廩生鄧必簪
生員溫韶生員溫增濤監生陳朋元

道光二年秋重建尊經閣修理城垣捐錢二百千文共

一十七人

准入祀尊經閣義士祠其人名前後悉遵
中詳次第

廖逸元字皆堂新坊人東陽縣縣丞

潘龍會字青巖場谷人儲貢生

李永長字紹初丹溪人監生

許忠錦字華甫孰溪人儒童

潘長饒字佑皇場谷人

熊達鏡字亮聲城內人

陳權郎字惟恭大琴人例授七品職銜

鄧大材字叔韜河田人

溫環傳字玉懷高田人監生

許恩絳字靖喧豐山人

鄧成林字如玉河田人邑庠

溫文章字錦成下柏昌人

賴上選字光字長溪人貢生

熊元璠字士華上柏昌人

張成瓏字永川梅樹坪人封奉直大夫

賴文蔚字拔元小弼人監生

李元英字均儔丹溪人從九

以上十七人各輸錢二百十文撫憲獎急公好義偏
修志捐助一百千文至三十千文人名列後

李德欽祠丹溪

黃志堅祠城內

以上二人各輸錢一百千文

溫衡齋祠城內

黃子明藍田

賴守常長溪

以上三人各輸錢六十千文

溫瑞符城內

黃郁莊城內

李榮高丹溪

李雅播丹溪

李泮參丹溪

溫逖謨羅溪

許思梅鮑溪

何吉所河石下

曾如川大猷坪

陳周弁陳坊

陳北嶼陳坊

賴宗祐秋溪

以上十二人各輸錢五十千文州憲獎好義可風匾

許志順祠許坊

劉明德福村祠

以上二人各輸錢四十千文

熊五郎祠城內

熊濱騰城內

熊禮坤城內

熊立莊城內

陳道元城內

黃著廷城內

李濟才城廂

李素軒祠城廂

陳九郎祠城內

徐仲甫祠城廂

黃煥倫城廂

黃騰上城廂

黃維玉城廂

黃學韶城廂

黃序東城內

黃雲章城廂

伊必照城廂

許岳如耽溪

李進侯丹溪

李畿九丹溪

溫德彩祠楊村

廖元祿小松

廖春池小松

陳體乾祠山上

鄧楚材石田

鄧伯顯石田

溫汝翁聳岡

陳朝彥長樂

陳德輝大琴

許文華耽溪

許興楊耽溪

廖忠立祠新坊

廖朝賓新坊

廖英望新坊

溫光庭高田

鄭日新井溪

鄭宜民井溪

鄭弼文井溪

鄭亮廷井溪

鄭樂謀井溪

鄭紹三井溪

鄭名標井溪

李畧才上湘

陳泰安山上

温聲馳堂下

温式中聳岡

陳廷爵長樂

許貢先蜀口

温真邦聳岡

鄭周鼎井溪

潘廓如場谷

潘首文場谷

熊盛昌綠水

賴錦文

陳樸夫白茅塘

賴洪二小粥

賴朝旺小粥

李德慶秀嶺

李朝綱罕坑

陳貴達陳坊

陳慶愁陳坊

黃景信亭田

劉伯禮橫江

劉金三橫江

伊富園賴木坑

賴忠寬秋溪

陳爵三陳坊

劉燕詒堂橫江

賴才琛秋溪

陳萬全羅溪

賴信孚瑞坑

張洪川濯龍

鄧嚮亭龍岡

王均壽徐家坊

羅宣奉金錢坑

陳文岳

温錫如下坑

陳恩六陳坊

陳翊臣陳坊

黃聲遠北關

熊真輝城內

鄭廷格井溪

賴輝廷

張英順篁竹

鄧繼祖

熊家駿城內

監溫達容字禮邦坑背

父祥堂

共八十七人各輸錢三十千文縣憲獎匾匡襄善舉
 修尊經閣城垣志書三事並舉大役也經費浩繁固藉
 城郭梁翰以集事然冒寒暑關閭跋涉不辭勞勩厥功
 甚偉因備錄城鄉勸輸首士人名於左 監生張禮坤
 監生黃顯猷 邑庠熊利文 邑庠陳寶臣 邑庠黃述
 堂 監生許敏堂 監生溫文錫 廩生陳臣文 邑庠
 溫絕樞 監生黃郁莊 監生黃善孚 監生廖秀萬

職員溫滙川 貢生廖體坤 舉人溫秀升 監生陳朋

元 歲貢鄧酬英 拔貢劉立權 職監李益夫 邑庠

李宗魏 邑庠鄧景初 邑庠鄭岳成 監生鄧式宗

廩生溫蔚田 廩生陳如懷 邑庠何素軒 監生熊士

懷 邑庠曾如川 監生賴錫天 武舉劉應天 廩生

陳靜田 監生黃耀霖 邑庠劉秉芳 廩生陳位中

監生賴韶武 庠貢黃瑤圃 貢生鄧蔚坤 監生賴輝

廷 邑庠姜光佐 邑庠賴爾憲 監生黃重殷 邑庠

鄒藹亭 廩生鄧軼宗 邑庠賴聖符 貢生賴光宇

邑庠陳雲書 廩生劉萃五 監生董泰軒 邑庠賴在

喬州同賴順軒 監生賴繼謨 廩生潘巨明 貢生
潘遂懷 監生廖序賓 邑庠黃學純 監生賴教軒
監生賴爵尊 同勸捐禮書黃步高

尊經閣總理

監生黃顯猷 監生鄧式宗 貢生廖體冲

城工總理

職員熊作模 督修工書黃銘惠

中華民國廿四年十二月七日 收到

抄

2811



石城縣志卷六終